



空同先生集卷第十四

詩

五言杜體詩四十首

大禮三首

裕祭頌述

清廟篇

丙寅元日朝退有作

邊塞八首

從軍四首

屯田二首

塞上雜詩二首

游覽八首

功德寺

翠華岩

空同集卷古

一一詩

望湖亭

呂公洞

香山寺

平坡寺

天寧寺觀塔碑

鏡光閣

懷古三首

媯皇墓詩送喬太常

三忠祠

艮嶽十六韻

感迷四首

天馬


十意

遣興二首

時序六首

歲暮

苦熱



十五夜

十六夜

十七夜

贈酬八首

贈徐子

七夕遇秦子詠贈

贈王御史十四韻

酬伊陽殷明府追憶元寄十四韻

與殷明府期嵩少諸山不果十四韻

酬秦子以曩與杭子并舟別詩見示余覽詞

悲離愴然嬰心匪惟人事垂迕信手二十

二韻無論工拙并寄杭子

暮春逢林子邂逅殊邦復有東西之感念舊

空齋集卷十四

二詩

寫懷輒盡本韻

安南歌送許給事中天錫

大禮三首

禘祭頌述

弘治十八年歲除日作是時 武宗初即位

嗚呼大聖人肇迹或漁樵蒼龍戢其角志固無丹青

德祖始側微濬業開 皇朝禮蓋視后稷而南統羣

昭大哉九廟義親盡敢不祧再遷及 皇熙世室闕

以寥裕 復來集鳳皇鳴簫韶惟 皇率百辟孔祀

自今朝白日照寶旂御氣如絳綃將將磬莞鳴颯颯

靈旗飄恍惚帝醉飽諸王亦飄颻下有開國勲偃蹇

羅金貂愚臣叨對越精魄爲之搖鼓鐘送羣公玉戶
風蕭蕭唐侯昔踐位十八號神堯 皇實秉敦默龍
性無道遙道合天人際志與神明超降祉倘冥漠四
海無征徑

清廟篇

巖廊肅文欽芳區恣幽騁寬糾豈異性拘曠本珠境
嶽岑路寢東森踈嘉樹靜珍叢媚朱夏秀幹揚修景
曳珺羣彥集拄笏萬慮屏仰望南城苑飛除帶崇嶺
崑崙白玉閣要眇黃金井季主飾觀眺哲王擯遊幸
自非淵聖姿誰保天步永

丙寅元日朝退有作

空同集卷十四

三一詩

赤赤大明朝皇皇啓八葉諒閣在冲齡憂勤績洪業
真人改革殊屢覩禎祥協春王肇元載萬國咸臣妾
端冕御茲辰縹緲仙雲接神飈翊紫蓋翔龍舞浩劫
哲后畏天威惕若春氷涉古編昭日星有躅尚可躡
大哉五始義允矣三陽浹

邊塞八首

從軍四首

漢虜互勝負邊塞無休兵壯丁戰盡死次選中男行
白日隱磧戍胡沙慘不驚交加白骨堆年年青草生
開疆勦未已召募何多名蕭蕭千里烟狼虎莽縱橫
哀哉良家子行者常吞聲

二
從軍日已遠備茲途路艱驅車太行道比度鴈門關
天寒雨雪凍指墮曾冰間登高望虜境白沙浩漫漫
單于數百騎颺颺獵西山穀我烏玉弓赫然熱肺肝
安得奮長劍一繫名王還

三
別家亦云久昨得家中書書中何所云父母與妻孥
昔來柳依依素雪今載塗豈不念還歸天子西擊胡
登山眺故鄉存沒兩嗚呼丈夫死國讐安能戀里閭
生當取封侯怨別祗區區

四
空齋集卷十四

四一詩

久處行伍間漸知苦樂情能蟠丈人鎗徒御不我輕
府帖昨夜下燒荒有我名秣馬待天曙蕭蕭寒霜零
左韃插雕羽雄劍躍且鳴日高渡黃河東過受降城
所羨在臧胡富貴何足榮

屯田二首

葉落歸故根孤雲有時還凶年間盡誰門今幸全
全者自何歸皮膚半不完百租叢其身欲訴誰見憐
吾家十八軍獨我猶從戰昨當戰交河左髀貫雙箭
本不識犁鋤况復千畝租三訴吏不語鎖頸投囹圄

二
日落蒼天昏奔馳吏下屯揚言科打使論丁不論門

老軍出聽卯老婦吞聲言邊城寡機杼耕種育兒孫
誅求餘粒盡竭力豢豚豚昨當統管來宰剝充盤飧
言既復長號吏去收他村

塞上雜詩二首

邊烽日夜至飛符來會兵羊牛入高砦雞犬皆震驚
壯士按劍起鞍馬若流星鎗急萬人靡笑上受降城
生繫五單于歸來獻天庭

二

胡兒追野馬逆蹄若驚鴻一馬帶雙箭墮我邊壕中
敢望不敢近踟躇各按弓抽身復北去天寒沙磧風
游覽八首

功德寺

空同集卷十四

五一詩

宣宗昔行幸遊戲玉泉傍立宇表幟噪開池荷芰香
波樓迤颯沓風松奏笙簧百靈具來朝落日錦帆張
萬乘雷霆動千岩滅流光綺繡錯展轉翠旗沓低昂
法眷撞鐘鼓宮女拭御妝笙鏞沸兩序星斗宿岩廊
至尊奉太后國事付三揚六軍各宴眠百官守舊章
巡非瑤水遠跡豈玉臺荒嗚呼百年來回首一慨傷
鳳騰赤霄暮龍歸竟茫茫山風撼網戶紫殿生夜霜
退朝值休沐我行暫翱翔娟娟登岸林慘慘度石梁
廢道哀湍寫松柏間成行啓鑰肅覽歷過位增悲涼
積久洒掃缺乳鴿鳴膳堂舊時琉璃井倒樹如人長

神已佐上帝教猶托空王鈴磬颯鳴晏晨昏禮相將
盤遊非聖理操縱在先皇至今朝廷上不改舊紀綱

翠華岩

洞劍耶律詞其名翠華巖俯視聳觀閣仰面捲松杉
厥維何王代鬼斧開漸碧精氣久削薄烟嵐鬱相攬
屢憇驗足藟獨往悲情凡入蘿畏石墜轉嶠驚日街
飄飄萬里風吹我秋衣衫放迹慕康樂入道懷賀監
載思武陵避愈悵桃花岳去住亦由人極目江上帆

望湖亭

來登望湖亭始盡覽歷妙布席倚岳嵌波望領佳要
山花落天鏡鉤簾巨魚躍岩潭迤隱見圓浪浴奔峭

寧高集卷五

六一詩

虬律百萬閣日落展光耀羈縛阻延放臨淵羨孤釣
霜寒葭菼白沙晚鵝鷓叫吾非阮生倫於此亦長嘯

呂公洞

厓根豁一門恠石相撐拄餘訝自吞呷白晝亦風雨
陰處汎清泉積苔蔭鍾乳往聞茅山勝夙慕華陽主
路遐限孤往倏歷十寒暑經亘騁心目小憇偕道侶
茲洞雖人境固足託茅宇惕然忽內咎我何戀簪組

香山寺

萬山突而止兩崖南北抱鑿翠置殿榭級石上穹昊
高卑各稱妙曲盡結構巧有泉如線縷盤轉出松杪
嗜音忘登頓緣危肆探討險絕逼牛斗蕭颯若風島

夜宿來青軒天色碧可掃湖沙靜恭茶海月白皓皓
想當邦邑初此地只蒿草綺麗仵誰鑿石壑爛相裊
但看全盛時民力爲茲槁

平坡寺

西山萬佛宇爛若舒錦繡平坡憑風迥突出衆山右
宮閣因岩坳面勢巧相就百里見琉璃截嶽戴雲構
朋遊探絕迹杪秋歷羣岫得此目力展恍疑出氛囿
仰看北斗逼俯恐東海溜雄壓香山麗閣掩望湖秀
落木響岩躡寒嵐染衣袖延緬古今并佇立悲慨湊
盛業慮反始危碁有傾仆千載誰復臨逆想蓬蒿茂

天寧寺觀塔碑

全唐詩集卷十

七 詩

舊瞻天寧塔今覽天寧寺茲塔多鬼恠光芒夜夜至
不知何時殿結構今頽棄別藪讀其碑識是隋文季
蝌蚪半剥落蛟龍猶燬竄我來值時暮攬逝發潛喟
修陸控趙代長山衛燕冀蒼然野眺合一灑楊朱淚

鏡光閣

我生走紛境性意苦不適竭來鏡光遊不覺祇樹夕
鳥藏丹閣暮蕭檝柿葉赤杳如造岩壑聞其寡人迹
其王戴金冠天子之所客迂我蔭荀下坐我紅罽席
落日入虛牖窈窕雲光白團團石蓮燈照耀錦繡壁
忽聞鈴磬發轉帳俗務迫靜躁本殊科利義各有癖
伊余竟何爲奔併阻行役乞君摩尼珠一照幸不惜

懷古三首

嫺皇墓詩送喬太常

正德元年上以即位遣官禮百神

伊聞女希氏奮迹鴻荒日神功義農並吹簧豁陰鬱
鰲極本寓言蛇身竟恍惚遺墓趙城側古廟松杉密
霍嶺峙噴吭汾川眇蕩滴穆穆秉德臣肅肅奉瞻謁
祈靈泝遐躅明禋備精物天雖積清氣運久恐漏闕
徒煉五色石寥廓詎能越送子顧周道俾我心於邑

三忠祠

憶昔漢諸葛龍起荅三顧志決竟星隕嘔血爲軍務
鄂國與信國屹屹兩玉柱殺身不救國冤憤水東注

空同集卷十四

八一詩

往事勒鐘鼎新廟傍官路慘慘冠劔並凜凜生魂聚
翠旗晚明滅往往鬼神駐懷嘆各不申翻然向烟霧
我征久奔迫過此感傷屢時來展肅謁繫馬門前樹
香臺野歛上羅幔虫蟻蛀烈士爲吞聲清風激頑孺

良嶽十六韻

城北三土丘揭嶂對堤口黃蘆莽瑟瑟疾風鳴衰柳
云是宋家嶽豪盛今頽朽我聞帝王富東京實罕有
鑿池通嵌竇移山媚戶牖岌巖樓觀合歛吸風雷走
岩陰翡翠吟海窟蛟鼉吼燕趙矜麗人搜剔克妃后
君臣互沉湎斯道詎能久嗚呼花石費銖鎰盡官取
此風卷黃屋此地竟誰守迢迢五國城二龍回其首

向使任忠良邦國得滅否余來值寒暮悲歌坐林藪
狐狸竄古壘破瓦沒藜莠孤城峙我前蒼蒼日將酉
感述四首

天馬

天馬從西來汗血何歷歷天子顧之笑置在黃金櫪
嗚呼神駿骨草豆日蕭瑟瘦骼突碑兀銜轡掛在壁
白日涕至地青雲志拋擲朝望竭石津夕盼流沙磧
猶能肆橫行倘君賜鞭策

古意

有鳥何方來哀鳴向西北我欲縛此鳥天路險且棘
悠悠浮雲行照我暮顏色丈夫重幾微男兒死邦國
長鯨一奔逃萬網不可得平生反掌志對此空嘆息
亭亭特生杜道傍皖其實孤桐雖良材棄擲處遐域
而余竟焉往嗚呼淚沾臆

遣興二首

金陵固麗地幽薊亦名城皇天作南邦北斗開瑤京
萬國梯航入官殿造泰清大哉帝王居海岳自環縈
禹功肇胼胝湯也勤四征煌煌肯構訓聖人垂其情

二

四海爲我土九夷盡來王貢琛至北戶北至玄谷陽
我祖秉天鉞血戰開其疆當時受命佐一一皆忠良
噴薄倚日月萬古瞻騰翔乘運雖有時盛業當自強

時序六首

歲暮

軒坐意悄悄感此歲年暮一氣有肅殺昊天縱霜露
衰容掙萬物日月立復度赤驥初長成自謂中君御
揚鞭過都市萬馬不敢步天寒草蕭瑟側塞在中路
良辰不再至我髮忽已素不見古賢達盡被名所誤
沉吟惜蟋蟀延佇羨鷗鷺終然托遠適餘者豈足顧

苦熱

伏陰固當奮元陽乃逾緬嘈嘈蟪蛄鳴樹杪風不展
上天收雷雨萬物沮沾洗推案忽大叫虀馭何時返
赤日厚地裂揮汗無晨晚古時有虞舜彈琴理驕蹇

高集卷五

十一詩

軒轅制六律四序無乖舛何當挽二聖吾欲遂仰偃

十五夜

夜陳芳宴會座有離羣友中秋而無月何以慰尊酒
賓主慘不樂周席盡回首向黑明鐙入雲景爛虛牖
尚覲光破滿時問陰薄厚吁哉至精物汝亦蒙此垢
上天悲隔遠人生怨分手月既有開塞吾寧息奔走
霜露棲蔓草疾風下高柳勸君聊盡觴居諸亦何有

十六夜

四海蒸爲雲三夜皆天風他方縱有月不照長安中
長安十二樓戶牖鑿玲瓏貴家金張徒高宴開帟幪
華燭代明月何必光遂通夕露久已晞懽娛良未終

迫塞諒有殊盛衰寧見同悠揚雲中魄既滿還自窮
鬼神惡盈踰天道懷其公

十七夜

幽意竟不愜待月坐沙際夕陰固當豁明月忽墮地
桂枝沒半輪蟾兔職業廢姮娥飾粉妝愁絕雲樓悶
鸞憂不解舞竟夕掩孤袂崔嵬黃金闕何由訴天帝
景破力不敵光滿雲仍蔽徬徨步林樾爲爾一流涕

小至

日爲衆陽宗來往成謝代來之生萬物往以告成歲
亭亭羲和駕建此南飛旆雙龍服偃蹇流雲翼其外
和風卷凍霧重陰颯無賴樞知化工幹冥與天意會

空齋集卷十四

十一詩

王

大君肅嘉禮君子幸亭邁誰能助新陽爲我激靈籟

贈酬八首

贈徐子

偃王世蕪沒石麟亦埋翳徐子發東吳英論有餘地
龍遊滄波阻日出浮雲蔽嗚呼獻王士竟洒荆山涕
光掩明珠棄寵奪西施廢古來共如此不獨君遭際
余本澹蕩人傾蓋託末契酣歌繼日暮醉酒無陰霽
各爲征蓬散吾豈匏瓜繫舊時南陽宅回首成迢遞
蹈海有夙期與子自茲逝

七夕遇秦子詠贈

皎皎河漢月照我西南樓七夕遠賓集置酒城東陬

展席對雙星盈盈隔中流豔豔靚妝女欲濟無方亦
神爽即易合茫昧竟難求明明君子德寡灼誰爲仇
豈無采唐約失身良見尤人生信齟齬世事良悠悠
不見古時人皓首猶公侯葵藿不餓死富貴安可謀
願熱場下駒盡我盤中羞我今爲秦聲子也當吳謳
酣歌達清曙臨分贈吳鉤

贈王御史十四韻

夕寒風自起集雪耀中宇朗月一何速早已爛芳醕
邂逅我蘭友設尊欸清語連翩忽竟夜悲嘆爲故侶
瑤華雖莫折羽觴時復舉念昔青年日共矯凌風羽
啄食九天步宿必華池渚中路更險艱風波各失所
大明盪妖氛迴光蔭衰腐諸賢旣連茹王子豈羈沮
餘生實自慶追念良已苦搢促廣陵散愴惻山陽旅
事諧終合并感往徒心楚棄置且安寓懽娛弄尊俎

酬伊陽殷明府追憶見寄十四韻

弱齡負竒節志欲凌海岳白馬金陵來遊戲宛與洛
出從七貴飲醉調五侯謔妍華不見售讒巧恩愛奪
涼風卷團扇世路隨飛藿謫居宰山邑頗喜占名郭
川嶺鬱森秀烟雲日噴薄况當素秋霽清霜掃天末
龍門旣踈峻伊水復澄豁啓牖眺飛泉據案望岑嶧
獨撫岩中琴遙枉汴上作懷賢諒枉茲感舊但如昨
徒然佇王鳧未果借緱鶴終期謝紛塊攜手向嵩岳

與殷明府期嵩少諸山不果十四韻

旅寓限崩迫騷屑隘煩務向來嵩少約屈指謂旦暮
豈惟攀時彥兼欲展秋步僕夫戒衣糧車馬亦充數
胡然泥行邁遂此嘆垂選峩峩雲中峯阻爾獨何故
佇瞻風嶠突側耳石泉注夜來道逕夢忽落嵩山樹
壘垂松猿噉澹池岩姿露存已超彷彿醒若涉顛遽
彼美眇何許茲端愴難屢采蕙忌及晚我疾畏晨露
烟蘿四時佳春服易爲具河陽羣葩發振策冀有遇
酬秦子以曩與杭子并舟別詩見示余覽詞
悲離愴然嬰心匪惟人事垂許信手二十二
韻無論工拙并寄杭子

空齋集卷五

十三詩

憶年二十餘走馬向燕甸縉紳不識憂朝野會清晏
嗜酒見天真憤事獨扼腕出追杭秦徒婉婉弄柔翰
探討常夜分得意忘昏旦雪雨亦扣門僕馬頗咨惋
葦蕤香山閣置萃蓬萊殿登頓窮日力延攬侔壯觀
孔翠不易馴人生本無絆蕭蕭田中蓬隨風各分散
杭生比適越秦子遊瀍澗南北兩文星光芒亘霄漢
余衰更垂謬挂一每漏萬夙遭青門斤差勝黃州窟
偃息於沙澤遊遨徬河岸秦也雖共區累月不一見
秦實困勞冗余亦怕梳盥何況阻疆域杭也江之畔
怍怍睽隔積鬱鬱歲年換無計脫煩促轉坐迫滋蔓
再讀並舟篇愈切山陽嘆誦言各欽德悲離古所患

暮春逢林子邂逅殊那念舊寫懷輒盡本韻
赤驥奮途路神龍厭池沼不登泰山頂豈見衆山小
明公昔際遇志與青雲香爛承夕扉詔番苦司隸授
君平實憤切軒然爭臣表朝野凜生氣樹鮮安巢鳥
名孤衆毀集寘薄憂心悄一投海濱郡遂守荒江渺
遼遼嶺南國借爾揭文旒中天行日月憂憂孤鷓鴣
君雖關內產迹自閩中肇業從考亭入統爲橫渠紹
伊余放曠人漁潛侶荷蓀亡羊以多岐望洋徒浩漭
睽離歷十暑邂逅值春杪日談恨易夕夜坐忽及曉
苑花雖寂寂風絮尚嫋嫋回首通州別屈指日不少
今看兩白髮誰忍置清醪君行秉大軸吾歌入幽渺

空同集卷五

古一詩

林岑有夙愉烟蘿閨裊裊誠無王良顧空山沒騷裏

安南歌送許給事中天錫

芳阡藉文輶垂楊縮鳴珂使君且勿發聽我安南歌
安南古夷隩嶺嶮蔚坡坨炎原吼象兇溷窟逐鼉鼉
爰自秦漢降憺怛尋干戈天皇操化樞環海無驚波
永執臣妾禮稽首心靡他珠犀走北陸翡翠供虞羅
王臣乘四驪馱駝金盤陀朝濟白藤江暮涉富良河
白日破蠻霧銅柱孤嗟峨雕題覩漢儀芭舞何傜傜
皇仁罄所宣紆征采民哦使君聆我詞慷慨不顧家
僕夫杖明鉞絳節拂林華樓船下烟渚鼓吹達海涯

空同先生集卷第十四

空同先生集卷第十五

北郡李夢陽撰

詩 五言古詩四十四首

長詩一首

乙丑除夕追往憤五百字

效陶體四首

田居左生偕二李見過二首

城南別業夏集二首

效唐初體一十七首

慶都篇

帝乙

黃衢二首

十二月朔

空同集卷十五

夏歌

湘妃怨

春曲

結客少年場行

俠客行

從軍行

出塞曲

銅雀妓

漳津夕眺

呂仙祠

三日河上宴集

詠樂溪

雜體二十二首

贈劉主事麟二首

湘江吟

春曲五首

朔日

槿樹

槿園

春情

遊寺

昇天行

春游篇

四清篇

正德四年七夕上方寺作

戊寅早春上方寺

夕集上方寺辛巳春

山中

置薪

九潭詩

長詩一首

乙丑除夕追往憤五百字

憶昔黜竇初皇疾輟臨仗維日白氣亘黑風復排踣
俄傳天柱折忽若慈母喪帝本堯舜姿末履轉清伉
歛衽接耆碩高出文景上兩宮悅孝子九廟歆流鬯

陸同集卷五

二十一詩

毅然整六師霹靂無前向大羊遁朔漠鯨鯢蟄溟漲
困冲不疑壽日表空殊相蜿蜿湖中龍一夕拔驚浪
回首哭蒼梧魂斷湘南瘴念昨下明綸臣也誠無狀
誓死叫閭闔伸頸甘礎盜梁竇勢如灼漢廷色惆悵
皇乃西園游召彼侍供張從容悲酒間似讓還非讓
未剖青鎖封已下金雞放臣某詎足惜統體關衰王
歷數古明辟聖節疇能尚逝欲碎臣骨顛帝不得廷
攀髯眇莫及痛哭橋山葬玉光動前星朱符闡靈貺
主器難久虛勉起答群望金木歛爲崇太白晝相抗
羯胡敢余侮五徒盡乘障嗚呼榆臺役棄我六千壯
踰險戰士骨躡蹶將軍報二豎固輕率腐屍亦云當

所恨國威辱北鄙氣悽愴鉦鼓疑皇情何以慰宸况
悽悽建未月臨門遣征將統袴作元戎京軍本浮宕
翻使沿邊卒束手遭箠掠揭擥雲中城誰復扼其吭
胡來風雨聲胡去橫拍唱千村與萬落人烟莽蕩蕩
嬰兒貫高槩志婦經衣桁狐狸叫破壘落日悄落滌
此輩誠鼠竊反覆亦難量騏驥駕鹽車虛名縛骹髀
世豈乏頗牧賊或執鞭杖瑣瑣登壇子飽之則飛颺
吁此良太枉國慨何由暢水旱而秋雷陰陽迭驕亢
皇天雖至公視之但块块臣當歷服始謬進大夫行
退朝實憤切欲吐畏官謗武王秉黃鉞師事太公望
列聖構梁棟駕馭亦英匠先帝升遐日臨榻召三相

效陶體四首

空同集卷十五

五詩

田居左生偕二李見過二首

習宦非我長官久計轉拙遭斥還田廬獲與初念協
樹藝良有期農事固堪悅飄飄綠原風晶晶明月
披襟恣吾適既夏不知熱回思行役日寒暑靡得輟
踈懶古雖鄙任性亦可說膏疇矧豐蔚積潦復婁刈
白日皎在茲停雲靜如結爲謝二三子努力慰衰劣

二

去官今七暑漸與農務親隨宜諳土性言語群野人
時或遡微風行歌響空榛先民邈何攀慨焉傷我辰
慨傷適誰知所有二三賓文論日往來炯炯高義伸

炎雨回衆姿涼飈起修畛兀然林木下日入忘歸輪
玄蟬夕益聒去鳥一何頻野行畏多露無使侵衣巾
城南別業夏集二首

田居本自娛况兼林水情聿茲暑衣辰而與佳士并
挈榼遡芊緜臨墮弄深情媚媚浴沙鷺交交鳴枝鶯
雖非岩潭區閒曠足我營菰蒲裊寒陰墮果時自驚
有室矧伊邇遐哉謝塵縈

二

荷鋤侈高詠濯纓肆佳吟疇知稼穡場乃爾兼葭侵
步風逾曾堤徙筵趣重陰於情既有托矚寓良自深
逶迤波上雲征征草間禽隋臺信已古魏城方肇今
驗物果足遣杯乾聊復斟

全唐詩集卷十五

四一詩

效唐初體一十七首

慶都篇

於昭開帝則蕩蕩協欽文高辛初纘服大舜復升聞
瞻依太古日悵望春空雲緩策遵墟里翱翔詠放勳
帝乙

此以下三首皆爲武宗大婚而作

帝乙歸元歲瀉沛降高秋白露凌蒼壁文烟結綵樓
楓陌三公引雲衢六馬遊行當瞻月馭佇想詠河洲

黃衢二首

黃衢會日月紫氣懸陰陽冉冉神龍下英英朱鳳翔

蘭烟凝玉閣桂月滿金堂禮先歆九廟德已合無疆

二

桂宮新降馭蠶室爛生氣曳綈成漢業采葛相周文
會奉重輪日先瞻五色雲秋明天路夕瑞雨碧鳳凰

十二月朔

積陰凌紫極玄霧暗三辰黃龍游帝時萬乘若浮雲
六蚪何蚺蜺雜沓走天神明王熙庶載至敬達郊裡
玉輦親牛豕重瞳注鹿群精誠先百物咸德屆犧人
揚鑾回御道九宇冀陽春

夏歌

積潦溢廣澤炎雲翳崇臺玉階履綦絕紫殿生莓苔

空同集卷十五

五一詩

螢流疎竹靜風動綵幃開佳期悵千里竟夕以徘徊

湘妃怨

采蘭湘北汜褰木澧南潯淶水含瑤彩微風託玉音
雲起蒼梧夕日落洞庭陰不知篔竹苦惟見淚斑深

春曲

萋萋百尺臺南臨大道開月明珠箔捲塵暗寶車來
英雄五都俠意氣萬人摧帶醉穿林徑垂鞭拂閣梅

結客少年場行

燈如列宿行月似九秋霜番番七貴兒燦燦五侯郎
雜沓凌香陌徘徊競夕光各携萬金劍結客少年場

俠客行

幽并豪俠地燕趙稱悲歌千金市駿馬萬里向交河
公卿贈寶劍君王賜玉戈捐軀赴國難常令海不波
從軍行

葉家從上將報主掃胡戎弩滿常隨月旗翻數起風
右指昆邪盡左盼月支空馳名紫塞外開府玉關東
不逢百戰日誰識萬夫雄

出塞曲

單于寇邊城漢將列長營旌旗蔽山谷鉦鼓晝夜鳴
乘我浮雲騎毅我明月弓音兵左右出長驅向雲中
彭彭陣結虎颯颯劍浮虹一戰臯蘭城再戰沙漠空
歸來獻天子長揖不言功

銅雀伎

高集卷十五

六一詩

帷飄雀臺上絃奏舞衣前群悲一以望春草爲誰妍
芳歲銷蘭怨流塵集錦筵爲問西陵道孰與漢家阡
漳津夕眺

揚舲亂北渚靡蓋望西陵帳殿牛羊下歌臺麋鹿升
日夕松栢路蕭蕭響風樹連沙改故浦空山沒蒼戍
徘徊望霸氣鄴城在何處

呂仙祠

孤遊逢呂跡永逝感盧生春彼炊梁術契我遺世情
蒼山故國道落日邯鄲城陰陰祠宇夕宛宛曲池清
不見金芝侶誰聞朱鳳聲田鼉穴桂壁野葛蔓松楹

寧知徃來者不是寐中行

三日河上宴集

觸露邁芳垆修夜臨長泊雖非曲觴飲聊異秉簡戲
波延拾翠舸岍匝尋青騎羽爵戀馳景鸞鷟劇春思
群誼狎鳧鴈撫適懽同志亦以擴凡超流連豈吾事

詠樂溪

濯足荒溪口延望大江潯石樹環碧泉潭生翠陰
經亘涉清連沿洄登素岑日暮樵響絕但聞山水音
鴻鴈遵渚飛麋鹿聚空林而予豈不樂其如兼善心

雜體二十二首

贈劉主事麟二首

空同集卷十五

七一詩

駕舟越洪川飄風揚其波白日不可駐浮雲一何多
塞芳涉比沚采蠹陟南阿悵我平生友傷此欲如何

二

濛濛孤舟夕橫笛坐烟浦秋綠被汀沙落鴈不可數
烈調千行雲激商復流羽曲竟和者誰佳人淚如雨

湘江吟

對酒歌綠猗歲宴懷佳人山寒翠袖薄微霰沾衣巾
空持紫鸞簫欲致愁無因日暮湘江曲浩蕩烟波春

春曲五首

維南有曾城下瞰梁上臺雄構翳雲日歌鐘暮徘徊
芳草徧舊巖山川邈悠哉

二
春城花烟滿杳靄生夕陰白馬繫芳樹繡袂彈鳴琴
樽蒲少年子一擲千黃金

三
綺閣俯通闌後有百尺樓並坐紫羅茵雙引青玉甌
楊花起薄暮糝糝縈芳洲

四
菁菁艷陽月鬱鬱美人思游絲罥白日炯若春風姿
零落垂手舞空傳白紵詞

五
借問美人居云住城東隅皆有桃李館前臨車馬衢
十三妙歌舞十五冠名姝

朔日
朔日悲風起空除落葉平猶聞砧杵急已復剪刀鳴
一夜傳霜箭黃雲滿塞城

槿樹
槿樹依空砌寒時尚着花未能堪暮色徒自絢朝霞
寄語閨中女無多鏡裏華

槿園
槿園秋氣夕唧唧寒蟄聚風回帝欲斷月落歸何處
爰悲在堂吟復詠山樞句感爾中夜興微霜下庭樹

春情

俗縈一何絲駕言春已分綠郊鮮行輪朱樹花將紛
鳴鴈起前墟浮陽謁東濱徙倚孤臺側佇送征雲
遊寺

福心儔輩寡幽境每苔步絲鬱倚磴歇馮孤眺迥屢
洞塔陰古宇芬蘿裊澄樹佇觀野禽哺此外豈吾慮

昇天行

市居苦煩溽陸暑懷清波緬思溪壑側丹崖卷曾阿
仙人桂樹下窈窕攀青蘿我獨塵歎內營營欲如何

春游篇

古臺悲帝子歌吹餘春愁草綠夷梁野雲浮河海流
擊壺詠四澤鼓鐘眺三洲板條已無那駕言誰倦游

四清篇

小商集卷十五

九詩

盤松屹當戶修筠靜依檻羈遠桐絲澀蕭瑟鶴思減
歸傷園塢廢坐令荒穢斬彈曲憇踈蔭皐唳清露湛
正德四年七夕上方寺作

逸人厭囂俗達士樂閒勝乃茲城中林而非車馬徑
積雨豁新霽雲石掩秋映微陽下孤塔潦水夾明鏡
已疑塵寰隔况覩蓮方淨豈惟慕真覺亦以叩銓證
玄蟬共西夕浮雲本無定

戊寅早春上方寺

逾年罔涉茲過之門巷疑匪畏霜露辰肯與春事期
徑蘭芊故叢苑松發新蕤陟丘念廢居升危眺回漪

抱以幽曠豁情緣
悽愴移驚風
逝虛塔振振空廊悲
得遣復安較勞生良爾唯

夕集上方寺辛巳春

晨飈奮以厲
夕林回晏溫
郊遊悵伊阻
駕言乃松門
春湖靜瑤宇
塔蘿裊清樽
遙睇被原草
近蹇臨水蓀
花雨時自落
法雲疑復奔
淹留遲寶月
破此人徑昏

山中

山中雨乍歇
一夜瑤草長
風吹翠岩竹
下應石瀨響
時來展書坐
悠悠絕塵想

置薪

讀書古木陰
置薪倚其根
露零石徑滑
雲起溪日昏

空同集卷十五

十一詩

白虎啓巍觀
金馬開高門
君自薄簪紱
難稱國未恩

九潭詩

岩岩千仞嶺
下有百尺潭
夕風起微瀾
激動晴嵐
俯之鑒我心
佇翫雲波涵
流蕤颺寒清
躍魚手可探
蹊暝樵響歇
猿鳥來相叅
寄語泥中物
長蟠恐未堪

空同先生集卷第十六

北郡李夢陽撰

詩

五言古詩五十七首

贈寄別三十一首

登東城樓晚下樓作贈同遊數子二首

寄贈端溪子二首

贈青石子二首

贈崔子

贈王生二首

贈魏子二首

寺遊別熊子四首

空同集卷十六

贈李世德

初秋上方寺別鄭生

寄程生

贈定齋子

感述一十二首

雨後往視田園同田熊二子二首

庄上晚歸車阻于潦渠徒步始達于岸

山夜

田園雜詩五首

詠物一首

詠鷺

贈劉潛

贈孫生

贈崔生

三士篇贈醫李鄭張

甲申中秋寄陽明子

一詩

寄贈王溪子

贈鄭生三首

贈梅國子

贈梅國子

贈梅國子

贈梅國子

贈梅國子

蒸熱三子過我東庄

秋詩二首

詠物一首

詠鷺

贈寄酬別三十一首

登東城樓晚下樓作贈同遊數子二首

登高散涼目隕然日云暮逃暑良已厭戀景復延顧
廣野起暝色層闌合昏霧眷言樓中客共此城上步
蚊虫撲面游蝙蝠時自度二儀但莽莽一氣黯廻互
晝夜本定理明晦非難悟日入各言息鐘鳴復馳騫
嵩翠宋帝閣突兀信陵墓往似宿沙禽來如綴花露
徒倚千仞梯長誼發悲悽

二

盛陽麗樓臺爛如錦繡錯日入暝煙起俯視但冥漠
即此悟人理天道固可度動靜啓晦明代謝有今昨

空同集卷十六

二一詩

涼飈逐夕興迴聲滿虛閣四顧水明滅宿鳥喧相索
啞啞啼城烏噉噉上雲鶴怛怛感晨暮徒倚罷觴酌
北斗忽復低西月隱長薄閃爍海光動翕沓氛霧廓
無恃黑頭在早定滄洲約

寄贈端溪子二首

嘆鳳世已遠悲麟竟何爲蘭蕙秘幽巖蕭艾盈路岐
君子抱明德傷也誰復知隨流非我心特立乃見疑
亭亭南山松匪無霜霰推寒韙但不改孤貞常自持

二

智者尚高契達人慕希聲曠世有相感同時悵難并
烈風起玄朔百卉忽以零登高望所思慨焉念徂征

鴻鴈序翅飛麋鹿呦鳴爲言明馨子蓋簪終有成
贈蒼谷子

玄雲翳白日積陰何漫漫風氣日以凄泥雨常不乾
漂箠委川塗百卉良可嘆覽物懷伊人撫時悲涼寒
憂來如亂絲理之棼無端爲霜念逝鶻多露怨芳蘭
所嗟聲影隔匪懼馨香殘徒把瑤華音長謔望林巒
贈青石子二首

高鳥有違羣離獸多悲音懿彼婉孌子悵焉分此襟
朝發南河隅夕暮乃北岑玄雲旣無極黃波浩且深
君其四海翔無言還舊林

二

女南集卷十六

三十一詩

季秋凋羣木寒潦溢中軌笳鼓濟方舟軒車匝河湫
攀德惜遙邁悵分睇馳晷采蘭徒情結把菊爲誰美
願子厚衣襦霜路自茲始

贈劉潛

人生無常因飄如風中雲昔別大江隅今也長江濱
涼飈起霜夕墮葉何紛紛我菊有佳色毅然獨芳芬
遲速良有時勉哉樹高勳

贈崔子

鯢魚游北溟鳳鳥翔南涯扶搖非無運鳴世自有期
顯夫競鐘鼎遁士潛蒿藜駟馬豈不榮泉石安且怡
悠悠西山人匪爲薇蕨飢寄言青雲客策勳及今茲

贈孫生

古人種桃李不爲舉其花君子振英芬豈在文與華
炎陽赫晴彩百卉流丹霞黃彼東園實纍纍一何嘉
采者自成蹊舉世徒咨嗟

贈王生二首

鳳鳥世希有衆人常見疑一朝下西周憂焉鳴高岐
光彩照四極觀者驚以咨神物耻自衒卑鄙甘見欺
驥馬匪伯樂鹽車空號悲燁燁豐城劍非華誰固知

共昔新之二

伯牙違鍾期有琴不復彈茲意冥以取良爲知音難
得失有榮枯合離成怨懽黃鵠戾天雲玄鴻漸河干

空同集卷十六

四一詩

淺夫貴多矜狹士賤自殘幸子固明志顯塞祭所安

贈崔生

伊昔振我衣連步千仞岡巖谷窈疑阻岐徑回羊腸
與者咸莫從子也乃同行舉手撼天樞縱目攬大洋
星斗何歷歷海波浩茫茫登山貴及顛涉水非無航
願言窮高深念哉母相忘

贈魏子二首

霖潦久迺歇晨興送還輶野寒泥淖盛念茲途路修
人生苟相許豈必曾綢繆踟躕東路岐贈子雙吳鉤

二

八月浙潮滿念子鼓南楫海月團會峰山峰下江葉

里間多宴娛仕宦有榮業早回北向轅晝日望三接
三十篇贈李鄭張

巖飈厲時威福葉下榮木春風一以敷病草奄回綠
天道豈常肅人事有還復七情旣吾賊六淫乃爲殞
農經發玄旨軒問擴英馥代殊理易昧行乖計相逐
陳芟抱絲息寒根蘊眞育李生起專門鄭子振容谷
張也剖金匱奏効更神速飲橘秬自銜種杏亦可惡
誦我三十篇聊以助清穆

寺游別熊子四首

天地固常爾爾遇之情不同但看搖夏樹何似飛秋蓬
古來怨離人豈必窮與通默默兩無語坐披琳殿風

空同集卷十六

五詩

二

夕風起涼閣入耳松撼撼當此佳勝區誰忍遽離析
簷鶴戛戛鳴蘿翠滿衣席異時冠蓋塲倘憶幽賞跡

三

散眸七竇地觴爾孤雲臺一望碧烟合四面清風來
流影盪我前炎樹生秋哀一笑問天地劫灰安在哉

四

獨立臺上閣俯茲城下湖爲問黃金魚徑尺今有無
愚者人盡笑賢之乃謫誣二者吾適從不如乘海桴

甲申中秋寄陽明子

風林秋色靜獨坐上清月卷茲千里共眇焉望吳越

窈窕陽明洞律兀芙蓉闕可望不可即江濤滾山雪

贈李世德

養畜不生麟竊穴無鷓鴣求水貴求源佳木無惡條
李門世清修三輩燁雄超黃扉早殺翮中葉乃淪凋
生也困逾勵奮飛竟雲霄六鈞幹神化萬物隨生消
英英畹中蕙化爲艾與蕭願堅謀始心全我金石要

寄贈玉溪子

松檜不棲蟬熊皮不上蟻秉性死不易斯足驗人理
苟投信若飴義交固如水如水邀則思若飴背乃賤
悠悠徂暑月眷眷念君子霍霍停復飛汾水蕩而駛
山西迴夕陽皎如覲光美徒操孤絕絃嘆息竟何以

金剛集卷十六

六詩

初秋上方寺別程生

勝地亮常爾佳士難屢并未窮結駟游遽復揚帆行
古林鬱城隅石門敞幽清趨風選濃蔭布席觴羣英
竹涼時自來殘暑驕未平戒飲今二菘爲子杯一傾
義投不在故跡遠心自縈念茲徘徊意時哉樹嘉名

贈鄭生三首

杪秋木葉脫霜露告成歲驅車遡寒郊觸物念征邁
戒舟有程日維駒阻心愛所幸旦暮留前途或風瀨

二

伊予解組歸汝也美少年駿馬臂兩弓射獵梁王川
感予重意氣授之黃金鞭萬里不易致悲鳴爲誰前

英英百尋木時至乃黃落楚楚青俊郎還家髮蕭索
桂樹寒正榮溪魚白而躍山行采理草寄我長生藥

寄程生

河日淡莽莽飄風但塵沙陰陽爲誰爭時至枯亦葩
念離傷歲窮懷音怨途賒彼美杳何許孤吟弄瑤華
夜攬海門月晨吸波上霞苦心誰固知延望長自嗟
浦鴈回故翼汀蘭茁新芽無魚汴上約梁園多竒花

贈梅國子

烈士有心許佳人重情歡投義旣不易識者良獨難
清秋理瑤瑟爲君發高彈一曲未云亂仰視孤鴻翻
一舉挾千里再舉青雲端我欲從之逝羽短才力單
聲影中藏之儻接排風翰

贈定齋子

水澄萬形一鏡明別醜好哲人靜以俟愚者苦紛擾
君本觀海人揚旆向東道高步登岱巔橫覽盡洲島
匪云波水浩祗見衆山小孔林秋飈入漂穰委寒草
明裡展躬謁蕪翳爲涓掃

感述一十二首

雨後往視田園同田熊二子二首

鳥性悅儔匹人情豈無慕亟見不云數獨行必相呼
去昨有城上眺今復郭南步膏雨回原綠豐林宿殘

霧久蕪慨我廬旱水兩妨誤夏禾旣岑漠秋秫庶能
穫釀具粗已足念子有長路

二

雨嘆自有期歲功詎云差昨來偶滂沱萬物皆頽華
晴晨子見過毅然巾我車荒徑蹄輻稀澤國踈桑麻
長風起修林夕響連兼葭芄芄南山豆離離東陵瓜
懷古看行雲矯首徒咨嗟

庄上晚歸車阻于潦渠徒步始達于忻

暮醉各言歸風起草獵獵潢潦溢中軌車至不可涉
野黑徑復曲魚貫踵相躡良懼蒼耳窟重爲蜥蜴怯
童稚行我先溝塍負而躡世路本夷蕪人情有驚怙

空同集卷六

八一詩

間素輕波濤臨川想維楫履坦台自咎長吟詠匏葉

山夜

孤月上東岫白鶴激秋唳涼風振溪壑林影颺搖洩
山居本深靜夜氣復澄霽冥心向千古眇焉託真契
蒸熱三子過我東庄

林凋午不歇日毒土色赤鬱言森密裡時華媚深碧
三人者胡來無乃不速客黃公蒼鬚髯二生

鄭生作
程生詰

頎而暫入蔭齊解帶對酒各岸憤籬萱挺其秀榼菓
垂易摘無言豈爲默有形忘所役杯乾時一斟遽復
至西夕

田園雜詩五首

朝陽暖秋木凝露未即晞翩翩啄哺鷺自鷺集復飛
衆穡既登載我事亦漸稀晨興坐東牖兀然對紅薇
噉噉一白鶴北逝將疇依忍茲稻梁辰而汝甘長饑

二

大車行棘棘小車響額又隨分各有營急者稼與穡
旦出在田野日入未遑息長陰下西夕蕭颯起寒色
雲霞變彩氣照我桑麻國立看勞者歸露濡徑不濕

三

野清雲氣滿場功亦云畢收穫雖有殊大小各盈室
感茲狼戾年追念憂苦日紛然嗆其饑妻子孰違伏
歲工借寒熱人事坐勞逸蕭蕭原野霜何草不垂實

四

空齋集卷上

九一詩

壯時掉塵鞅老乃即農務值茲田事終怛然感霜露
原萋日以斂林華不守故嚴霜淨游氣翔鵠在天路
鷄雀躍蓬蒿啄食不滿嗉而予竟何言飯牛髮今素

五

田居亦安娛患者寡朋仇農談或時歇仰視蒼雲流
青衿者誰子道言即我謀開尊面圃場剝棗充盤羞
物小意固勤觴旣情仍留晶晶遠天色秋暘下林丘

秋詩二首

百卉淒以腓游行散我矚夕風一何瑟入園乃華馥
菊也紛其英修篁積寒綠人生匪金鐵榮落譬草木

磬折者誰子誓死日爭逐賢貴與賤愚滅去孰還復
鳥雀各有安無爲智者辱

二

北風胡鴈急小禽亦南飛輕俠羣少年求伺爭有爲
弋彈無遺木畢施在中達百發不一獲用心良足嗤
黃雀墮計中嗚咷如得依白鵠舉雲漢覽之心內悲
小大有分量瑣瑣豈知微

詠物一首

詠鷺

天風下厲霜海色清嚴冬未鳥逝云遠玄禽眇焉踪
翩翩委波羽鳴飛何雍雍去若雪毳散來疑玉梭從
回旋淥蒲漪映照青蓮峰戲滓不染潔浴湜轉丰茸
羣起若避驚孤立如有慵孔言崇九思周歌羨斯容
我客亮多憚君子良冲融亦應懼鳧鴈幸少寬鷓鴣
保爾貞素姿倘附春濤龍

空同集卷十六

十一詩

空同先生集卷第十七

北郡李夢陽撰

詩 七言歌行四十首

感述

桂巖行四首

崖松行

丹穴行

苦寒行

夜行歌

古白楊行

泉上雜歌二首

自從行

大梁城西門行

羈旅翁行

寶刀篇

秋夜嘆二首

思歸引

歸來行

空同集卷十七

一詩

弘治甲子屈我初度追念往事死生骨肉愴

然動懷擬杜七歌用抒憤抱云耳

解酋行

西來行

飛蟻嘆

土兵行

癸酉生日

豆莖行

餘干行

叉魚行

襄陽歌四首

苦雨篇

苦雨後篇

久雨東黃子

種竹

放蛇引

感述

桂巖行

白龍不識漁溪惡，化爲漁服遭人縛。黃髮先生困泥
阻，白馬小兒氣揮霍。道傍朽木藏蛟龍，霹靂猶聞夜
火紅。寄謝少年諸數公，貧賤豈必皆愚蒙。桂巖紫芝
春盡發，騎驢且覓商山翁。

崖松行

峭石從巖木相樛，孤松挂日崖光幽。朔風北來霜雪
暗，山深草黃途路修。此時亭亭見松意，排空柯榦流
雲氣。大厦傾時梁棟急，君看此物終難棄。

丹穴行

丘名琥號松山夷門隱人也

北風颯颯吹丹穴，幽篁梧樹寒蕭屑。孤鳳威垂眼流

空同集卷十七

二詩

血蘭陽丘公昨謝世，使我杯乾已數月。出門騎馬向
誰適，世事悠悠忍能說。薄俗踰趨始爲敬，老夫平生
性懶拙。後生譏訕轉多口，白壁青蠅從點缺。宋門汪
隆頗好事，見我握手肝肺熱。近亦客死臨清州，北望
傷心路途絕。可憐親友日零散，老成耆舊灰燼滅。不
爭汝曹灰燼滅，又值天寒地欲裂。

苦寒行

前日雪落傷麥根，北風刮地天色昏。沙飛石走拔大
樹，雪積林坳出無路。城中死者不知數，我歸三年河
不凍。今年冰堅車可渡，觸面慄慄厚地裂。四顧乾坤
莽明滅，尺薪粒米貴如玉。君不見日晚空墻貧士哭。

夜行歌

月輪未安光已皎
我行夜出夷梁道
力疲足酸堤上坐
黃狐怒立啼向我
宋家宮殿盡瓦礫
陂湖燒燼燭婀娜
忽憶東京全盛時
月行對此誰能那

古白楊行

百泉東岸三古楊
下枝掃拂書院牆
上枝瑟瑟干穹蒼
空山野陰雷雨黑
柯榦冥冥動山壁
剪伐難爲棟梁用
盤踞蕃逃斧斤厄
但見白日悲風發
寧知六月攢霜雪
煙色慘愴精靈聚
孤根倔強源泉裂
憶昨訪古憇其下
居人不敢留車馬
落籜尚禁牛羊食
汗穢頗遭縣官打
丞相古栢霹靂碎
將軍大樹空蕭灑
岡

空齋集卷七

三詩

頭石路莎草長
孫邵李許同一堂
春風漂泊予到此
不見古人惟古楊
古楊蕭蕭暮流急
波翻浪倒蛟龍泣
衛女幽憂拾錦花
逋臣寂寞愁難立
君不見太行羊腸
莫比數上有毒蛇
下猛虎樵斤獵火
不虛日桂栢檣
栢氣悽苦嗚呼楊
兮楊兮爾何盤根
據茲土

泉上雜歌二首

游子樂遊復長嘆
臨深坐歌白石爛
石泉漠漠常東流
我今胡爲坐泉頭
渚花冥冥野陰薄
谿日杲杲蒼雲愁
君不見古來爭戰地
山寒雪暮風颼颼

二

美人被服貂襜褕
春日遊行春水曲
綠蘿無煙山雪

暝扣石長歌嘆幽獨撥刺紅鱗錦湍游我欲釣之且
復休金盤玉箸在何許爲爾臨淵淚如雨

自從行

自從天傾西北頭天下之水皆東流若言世事無顛
倒竊鈎者誅竊國侯君不見奸雄惡少椎肥牛董生
著書畚見收鴻鵠不如黃雀啗盜跖之徒笑孔丘我
今何言君且休

大梁城西門行

水門堤口雙栢樹種之何年不記數風飡雨蝕生氣
微枝葉半周委官路烏鴉螻蟻復啄食我行見之淚
如注古來根本忌先撥嗚呼柰此棟梁具及今可爲
當語誰半夜吞聲向北去

空齋集卷十七

四一詩

羈旅翁行

自焚闕里手植檜天下斯文忽墜地錦衣使者日旁
午青衿胄子時流涕霾風翩翩起白旒五月黃塵暗
天際君不見河上羈旅翁時垂此老遭拘縶

寶刀篇

我有吳王雙寶刀龍鱗雪花爛照地奉君清宴可君
意佩之十年不曾離黃金鞶帶白玉鈎出入魍魎
魅愁功高見疑反遭怒此物拋擲今兩秋丈夫生世
賊軻亦如此終日戚戚何爲爾

秋夜嘆二首

君不見梁上蝠飛走掠蠅
蛆蠅蛆四散不受掠而我
胡在縲絏中豈即運命委
霜雪要知腐草生華風沉
吟徹夜不能寐此時天風
雨將至但聞蛩聲啾啾復
唧唧鴻鴈嗷嗷忘南北

二

臭虫多足蚊有翅當我眠
時忽而至憤悶披衣坐嘆
息竟夜搔爬無氣力寒霖
蕭蕭響荆棘君不見坎燈
無煙四壁暗野狐跳梁鬼
啾唧

思歸引

疾風吹寒破南極凍雨泚
泚山樹黑天昏歲暮百憂
併中夜悲歌淚沾臆起視
衆星白爛爛我今胡為在
長安思歸路阻多苦寒嗷
嗷何處失群鴈翅濕高飛

嗟汝難

歸來行

天下儒冠豈盡誤迂謬棄
捐仍道路九月江山凍煙
霧百年裘馬衝霜露窮達
自知休怨天歸來且種東
陵田齒過四九已不小釣
魚獵兔亦得飽

弘治甲子屆我初度追念
往事死生骨肉愴然動懷
擬杜七歌用抒憤抱云耳

吁嗟我生三十三我今十
年父不見濁涇日寒關塞
黑杳杳松楸隔秦甸梁王
賓客昔全盛我父優游誰
不羨當時携我登朱門舞
嬙歌媵爭看面二十年前

一回首往事凋零淚如霰嗚呼一歌今歌一發北風
爲我號冬月

二

母之生我日初赫缺突無煙榻無席是時家難金鐵
鳴倉皇抱予走且匿艾當灼臍無處乞隣里相弔失
顏色男兒有親生不封萬鐘於我乎何益高天蒼蒼
白日凍今辰何辰夕何夕嗚呼二歌今歌思長吾親
儼在孤兒傍

三

有弟有弟青雲姿以兄爲友兼爲師十五徧探古人
籍十九不作今人詩從兄翱翔潞河側窻料爲殤返
鄉域孤墳寂寞崔橋西渺渺遊魂泣寒食嗚呼三歌
今歌轉烈汝雖抱女祀終絕

四

有姊有姊天一方風蓬搖轉思故鄉歲收林秉不盈
百男號女啼常在旁黃鳥飛來啄屋角碩鼠唧唧宵
近牀洪河鬪蛟波浪怒我欲濟之難爲梁嗚呼四歌
今歌四闕我本與爾同肉血

五

古城十家九家空有姊有姊城之中峭壑直下五千
尺雞鳴汲回山日紅犁鋤縱健把豈得病姑垂白雙
耳聾小孤癡蠢大孤惰霜閨夜夜悲迴風嗚呼五歌

今歌五轉寒唄吹律何時變

六 夫會學大乘初早下外其良

水河蜿蜒雪爲岸忽得鯉魚長尺半剖之中有元方
書許我是月來相看臘寒歲窮多烈風日暮高樓眼
空斷梁都北來道如砥熟馬輶輪爲誰絆嗚呼六歌
兮歌未極原鴿爲我無顏色

七

丈夫生不得志居人下低頭靦面何爲者薄祿不救
諸親饑壯志羞稱萬間厦東華軟塵十丈紅入擁簿
書出鞍馬王門好竿不好瑟何如歸樵孟諸野嗚呼
七歌兮歌思停極目南山空翠屏

解首行

空同集卷七

七 詩

都昌縣南乾沙上射鴈者誰三五群氈帽紅裘黃戰
裙云是解首官遶軍沙下北風吹艦旗邊軍權喜家
軍悲朝廷日夜望俘至雪凍首船猶住茲縣官逃走
驛官啼要錢勒酒仍要雞姚源遺孽尚反覆爾曹不
得誇遼西

西來行

冬廿六日十二月西來泛湖雨明滅雨寒著樹盡成
雪天波靈竈路幽絕鴟鷂禿鶩立如人銜魚避船偷
眼嗔天開獵夫會尋汝乘時早可收其身

飛蟻嘆

李子官江西時觀事感心作飛蟻嘆暨西來行也

今朝天光鳥鳴喚草萋柳長江渙渙恠爾飛蟻何爛
慢填門撲牖坐我案夜來不虞風驟至屋瓦吹飛船
打岸孤城晦冥霏霏雨前叫鷓鴣後鵝鸛共言此崇
飛蟻為我欲擊之還復嘆明明上天非無宰蟻也鎖
細何須算災祥感召固其理先時苟備終無患君不
聞漢家滿堂客不貴徙薪貴焦爛

土兵行

豫章城樓饑啄烏黃狐跳跟追赤狐北風北來江怒
湧土兵攫人人叫呼城外之民徙城內塵埃不見章

空同集卷十七

八 一詩

江途花裙蠻奴逐婦女白奪釵鏗換酒沽父老向前
語蠻奴慎勿橫行王法誅華林姚源諸賊徒金帛子
女山不如汝能破之惟汝欲犒賞有酒牛羊猪大者
陞官佩綬趨蠻奴怒言萬里入爾都爾生我生屠我
屠勁弓毒矢莫敢何意氣似欲無彭湖彭湖翩翩飄
白旗輕舸蔽水陸走車黃雲捲地春草死烈火誰分
瓦與珠寒崖日月豈益照大邦鬼魅難久居天下有
道四夷守此輩可使亦可虞何況土官妻妾俱美酒
大肉吹笙竿

癸酉生日

廬山臘日地凍裂白猿鹿鹿啼深雪卧病松林北岸

湖黃蒿古阪行人絕已今行年四十二我辰安在百
憂結小孫呼爺戲牀側縱惱忍能即嗔說

豆莖行

昨當大風吹雪過湖船無數水打破水驤巖崑山嶽
立行人駭觀淚交墮景泰年間一丈雪父老見之無
此禍鄱陽十日路斷截廬山百姓啼寒餓旌竿凍折
鼙鼓啞浙軍楚軍袖手坐將軍部兵敵江下飛報沿
江催豆莖邑官號呼手足斂馬騾雞犬遺眠卧前時
邊達三千軍伍箇病熱死兩箇彎弓值凍不敢發昔
何猛毅今何懦李郭鄴城圍不下裴度淮西手可唾
從來強弱不限域任人豈論小與大當衢寡婦携兒
哭秋禾枯槁春難播縱健徼科何自出大兒牽纏陸
挽馱

空齋集卷七

九 詩

餘干行

荒濱鶻立夕啼鷓春行綠岸竹木枯黃蒿破屋走白
狐東至信州西鄱湖男兒輸粟婦刈芻問誰爲此軍
前須去年水雪十丈餘凋瘵至今猶未蘇姚源帶甲
已數萬巖淤莫展金僕姑近聞殺官兵復北道路誼
傳真有無安能飛刀取賊顱貂裘白馬還京都

叉魚行

漢江七月黃水漲男婦叉魚立江上岸斜波紫煦泡
轉千人目側精相向巧者十叉五叉中血飛銀尺翻

金浪鯿魚中，又獨更穩頓之泥沙半，倔強我舟其時
行，邁此仰視皇天色，惆悵深山藥苗熟，流汝一毒江
河萬形喪，鱗鯨糜爛不直錢，小瑣暴棄同蚶蜊，走鯢
吞泓若山滾，蹴踏猶能開浩蕩，渡子徒誇好身手，如
飛快槳誰曾傍，夜風大聲吼，盤渦地坵頽，洞厖齧
如甕之蛟手，可得蛇龍豈復安，巢窩消息定，理魚柰
何。

襄陽歌四首

烈風夜行峴山道，天陰城空鬼鳴嘯，蒹葭委折波濤
白，通濟橋頭老鶴叫，人言黃昏虎搏牛，牛虎兩傷歸
各憂萬事，豈爾能前謀，不如置之寬，且休君不見百
足之虫，光如虹，雷火燒死枯樹中。

全唐集卷十七

十一詩

二

峴石巉峻孤根深，下盤厚土雲氣陰，中有千萬竅，突
如風來遇之，如笙琴，昨當醉狂推撼此天地，忽然為
之動，山鳴鬼哭百獸吟，我時便欲驅使六丁移之去，
家遙屋卑無頓處，於乎一石且無頓處，徘徊歸來日
沉樹。

三

襄陽山勢何所似，東如翥鳳西虎蹲，墓堆纍纍不空
地，於中豈少英雄魂，大堤先前花艷時，朱樓細柳黃
金羈，但看舊園歌舞處，掘發金釵知是誰，君今有酒

不飲恨不駟馬軒車馳縱及金張許史將焉爲身後
埋沒蒿草疇見知

四

昨來三日雨不住逢人面色如地皮老龍之堤豈易
打襄陽難是養魚池南倒江勢雖洶湧我堤如山撼
不動但慮禍患起細微丁寧疆吏防螻孔我聞斯地
連年乖雨暘二麥乾死秋禾傷衆心詢詢久未定小
兒何得跳商羊天公好生民壽康

苦雨篇

波濤日陷蛙鳴起梁園一夜滿城水屋廬半塌塌人
死可憐哭聲水聲裏憶昨出飲黃昏歸零濛已灑力

空園集卷七

十一詩

尚微豈知中宵鬼神怒雷翻電滾雨如注我時怵惕
不得眠窓燈撲殺無計燃洶湧一任霹靂走恍惚若
有蛟龍纏地軸震及久益急披衣起坐坐復立鷄鳴
氣勢幸稍緩積漸天明日光入琴沾書濕開我堂二
儀高下雲低昂黃鸝晒翅燕語梁前何恐懼今何康
萬事夷險誰豫量及時弗樂頭顱蒼

苦雨後篇

小兒嚙啞始學語育之後屋逢今雨包裹移置夜我
旁兒驚屢叫安之乳霆雷號號屋瓦震疾電繞床亂
走鼠大兒明農隔城住即有緩急誰視汝旦日報至
心則降雨未傷人傷稷黍前時三月點雨無大兒憂

色禾半枯日日望雨雨反蒼盪然畎畝爲江湖天晴
微風波水動溝渠四注長河湧明晦反覆何代無囑
兒更備宜秋種

久雨柬黃子

微晴見月月仰瓦城中水淹雨猶下郊園浹旬不一
出不畏衝泥畏沒馬苔蘚自上匠氏壁蓬蒿日深仲
蔚舍人言甲子船入市幸君豫問能舟者

初雨夏甲子也

種竹

自從有竹水爛死使我竟日頗不歡頃來移置復傍
此遠覺六月回秋寒龍姿鳳苞生不易可憐蕪沒今
人棄窈窕郊園草樹中何人道有凌雲器

空同集卷十七

十一詩

放蛇引

花蛇錯落五色備毀垣掘出蛇驚悸昂頭宛頸若有
訴盤旋瞥捩如奔避深山大澤豈無窟荒郊短草真
何意豺虎公然白晝行花蛇何得更縱橫祇知毒口
能戕物未解皇天實好生洪流自古容微細吾叱園
丁縱蛇逝風驅雷霆急雨過彩虹倒掛青天霽

空同先生集卷第十八

北郡李夢陽撰

詩 七言歌行四十首

贈客

送何舍人齋詔南紀諸鎮

上元訪杜鍊師

奉送大司馬劉公歸東山草堂歌

二月四日部署宴餞徐顧二子

七峰歌壽范郎中淵 送人還關中

寄兵備高僉事江 寄內弟王

雪東鄭生 吁嗟行示周生

空同集卷十八

送鄭器 寄鮑宇

三鶴歌為丘三公壽亦載厥實事焉

君不見贈鄭莊

嗚呼行寄康子以其越貨之警

送席副使監貴州屯學二事歌

送鮑漱還歙 送鮑相如金陵

君不見贈馬僉事應祥

得馮御史允中書

秋夜徐編脩宅宴別醉歌

發京別錢邊二子 東園翁歌

苦熱東屠叅議 白鹿洞別諸生

豫章遇鍾子送贈董公衙賞緋桃行

得家書寄兄歌寄鄭生歌

余鄒二子遊白鹿書院歌

戲贈周紀善龍沙行別表生

潯陽寄毛君湖口

鄭生山遊歸予作此歌

寄殷給事中歌送田生赴京歌

送陳冠歌芝梓行

贈何舍人齋詔南紀諸鎮

先皇乘龍去不返悲風慘淡吹宸極四海哭若喪慈

母百官狂走天為黑憶昨臨危坐御床手挈神器歸

今皇密語丁寧肺腑裂三老親聞眼流血金滕立剖

石室秘此事難從外人說我君謙讓不可得割哀踐

阼弘祖烈日月重懸萬國朝雷雨赦過群方悅越南

海北霹靂動蠻夷盡奉王正月此時九道使臣出舍

人亦輟螭頭筆白馬朝騰薊北雲錦帆暮閃江沱日

江沱秋交多烈風洞庭雲夢俱眼空巴陵縣令舍人

兄接詔會弟西樓中童年題詩在高壁六載不到紗

為籠南嶽以南惟峻山苦蒸毒霧何盤盤天王新令

雷電掣妖蛇不敢啼林端五溪官長喘喙拜黔州父

空同集卷十八 二 詩

老垂淚看却瞻蒼梧雲氣黑斑竹臨江怨幽色翠華
縹緲空冥間此時此恨誰知得君不見馬援柱孔明
碑剝落黃蒿裏千年莓苔待君洗萬里之行自此始
歸來何以獻天子

上元訪杜鍊師

宣皇昔時乘八風御龍遊戲行煙空馬前兩兩侍王
女別館多在蓬萊宮朝天宮中舊時殿樓臺畫鎖無
人見琉璃井塌青苔滿松栢森森月如練嗚呼往事
難具陳燈火如山又一春北斗壇西訪隱淪我師黃
衫白氊中坐我更致西樓賓玉杯潑灑赤瑪瑙織罽
四角銀麒麟酒肉山堆滿堂醉仙厨往往來八珍孝

空同集卷八

三詩

宗之朝五真人師也磊落當其倫自言召見親賜食
曾把丹書獻紫宸如今寂寞看春色銀魚玉帶無消
息豈惟魚帶無消息欲語吞聲淚沾臆勸師對此莫
酸辛世間萬事如轉輪且將芝草供生計聊與煙霞
作主人月偏彩雲當牖生旋呼兩童吹玉笙聞師妙
得逡巡術百壺倒盡還須傾古來仙子向誰在飲者
翻垂千載名名垂千載亦區區酒闌燈昏夜復徂不
見秦陵草已宿春生樹啼雙老烏此時亦應群帝趨
金燈翠旗光有無

奉送大司馬劉公歸東山草堂歌

東山有草堂縹緲雲嶠孤前對祝融峰下瞰巴陵湖

明公昔時此堂居麋鹿熊豕當窓趨洞庭日落風浪
湧倒影射堂堂欲動慘淡誰聞紫芝曲獨善不救蒼
生哭先帝親裁五色詔老臣曾受三朝祿此時邊徼
多戰聲曳履謁帝登承明謝安笑却淮淝敵魏相坐
測單于兵九重移榻數召見夾城日高未下殿英謀
密語人不知左右微聞至尊羨自從龍去不可攀公
亦卧病思東山湘娥含笑倚竹立山鬼竊窺堂之側
上書苦死只欲歸聖旨優容意悽惻內府盤螭縷金
織賜出傾朝皆動色白金之鈇紅票記寶鈔生硬雅
翎黑崇文城門水雲白是日觀者塗路塞城中冠蓋
盡追送塵埃不見長安陌人生富貴豈有極男兒要
在能死國不爾抽身早亦得君不見漢二疏千載想
慕傳畫圖即如草堂何處無祿食醜竊胡爲乎乃知
我公真丈夫嗚呼乃知我公真丈夫

二月四日部署宴餞徐顧二子

春日載陽官署幽東吳二子過我游庭空日斜吏人
散窅然何異經林丘今晨驚蟄暖氣達昨夜哀鴻呼
故儔中庭古槐蒼蘚溥上有百鳥何啁啾倉庚交交
刷其羽君看巨細各有求明時冠軒幾邂逅得暇胡
不攀淹留自從去年識徐顧令我意氣傾南州徐郎
近買洞庭梅顧子亦具錢唐舟浮生飄轉若飛藿條
忽聚散誰能謀風光爛熳况復爾願寫清壺銷客憂

故人苦稱不好飲，舉杯入唇還復休。妙歌時時激慷慨，鄙夫何以答綢繆。嚴柝沉沉靜夜色，北斗倒掛城南樓。祇恐天明驅馬出，攬袂延望河之洲。

七峰歌壽范郎中淵

我聞桂陽江上峰，平地突出七芙蓉。三峰岩亭如列戟，四峰裊裊翔飛龍。孤水東來走其下，上巖下巖惟古松。有時雲霧滿四壑，洞中仙侶時相逢。使君磊落中行後，家傍前峰對江口。暗想精靈盤礴初，嶽降生申理。或有平生氣與蒼壁高，落筆煙霞常在手。六載爲郎不受身，五十生兒將白首。湘南新鮭紅勝玉，燕京高會多名酒。歲歲登堂娛笑歌，歌我七峰爲爾壽。

空齋集卷十八

五詩

送人還關中

得萬字

君不見劉毅貧時一擲常百萬，君不見唐時鄭虔道高坎壈腹無飯。英雄際會各有時，人生豈必皆如願。關中老翁燕薊客，昔何慷慨今何怨。王通無媒畚叩關，楊雄有賦何由獻。君歸射獵南山麓，得錢且學樊侯販。

寄兵備高僉事江

三月無雨乾殺麥，六月雨多禾耳黑。長江浪高蛟龍鬪，淘河瀉鵝啼清晝。此時憐君備兵越，天陰不見日。與月白衫塩徒慣風濤，我軍慎勿貪倉猝。

寄內弟玉

自汝林居將一月我心不寧長悒悒郊寒歲暮風色
苦曠野無鄰天雨雪亟欲載酒往問子水路難行畏
跲跌豈無輕裘與快馬玉也視之如敝幘此道於今
識者稀勸弟寬懷慎藥物

雪東鄭生

夜來雪花如掌大無事閉門但眠卧僵牛死馬非所
慮天翻地裂疇能那近時好事最者誰徽州鄭生差
愛我甕頭春酒不餘瀝天明梳洗午尚坐北風其涼
二儀閉雪吹飛沙映天過老夫畏寒况無力生也乃
是雄豪佐梁園之陷平若掌放兔呼鷹無不可不然
騎驢學爾祖乘興一鼓山陰柁

空同集卷十八

六詩

吁嗟行示周生

吁嗟周生千萬駒今行不得如蟾蜍雖有寶劍寒吹
毛一日不遇成鈿刀子不見豐城紫氣干雲霄鹽車
之下多悲號張華伯樂行相遭

送鄭器

梁園仲冬雪積阻慘慘風亂平沙樹泥深馬瘦不得
行縹緲金陵在何處青絲絡酒提玉瓶強出送子城
東亭旦望淮河暮江水雲飛鴻鴈天冥冥

寄鮑宇

愧我夷門草堂寂種菊蕪穢生蓬蒿爾家華堂近江
汴開花爛熳秋雲高去年此日同爲客今年對菊遙

相憶黃山練水在何處獨倚南窓望南國

三鶴歌爲丘三公壽亦載厥實事焉

老鶴東來度海水與雌俱飛引其子回翔萬里始一
息丘家麥田澤泚泚道遙洗濯飲食足炯如煙雪無
泥滓此鳥千年丹始成口銜赤玉蒼龍精落地化作
金光草采食還丹毛骨輕古來拔宅將妻子肯使丘
翁地上行

君不見贈鄭莊

君不見江上鴈嗷嗷喚儔侶勁羽輕毛常趁風往來
漂泊如羈旅男兒落地既有身誰能齷齪猶婦人懷
中有劍亦不貧吳下阿蒙君莫嗔

鳴呼行寄康子以其越貨之警

空齋集卷八

七 詩

嗚呼皇天不可測一冬無雪春無雨黃霾翻風白日
動前飛禿鷲後飛鵠堂堂古路長蒺藜萬家之城走
豺虎百姓誅求杼柚空兒號女啼守環堵饑寒盡化
爲盜賊可惜良民作囚虜腰弓帶箭百成群少年馳
馬仰射雲蒼山日落行旅稀醉唱胡歌各自歸山東
趙實已授首南陽回賊同猪狗諸君但欲樹功業玉
石俱焚理或有近者內丘大寧河橫賊八騎持干戈
裕州知州與賊戰康也扶柩衝之過資糧蕩盡僅身
免月暗天昏路途遠吉人作善番軛軻痛哭寒城白
雲返頃聞留滯在襄國百口仰給縣官食吾兄匹馬

走問之半月更復無消息夜立中庭北極高晝看河
朔風沙黑汝寧以南土尤赤空城二月生荆棘卧米
可以換嬌女牛馬餓死枯蒿側比來官吏守空印拖
男抱女盡向北即防此輩更充斥恐汝後歸歸不得
送席副使監貴州屯學二事歌

席名書字
文同蜀人

我昔在北京送君向河南豈料在河南送君如百蠻
瘴雲蒼蒼途路艱牂牁羅施皆峻山法官要自褰帷
入倏忽開明衆山出大抵夷狄似禽鳥制之雖勤忌
拘急此曹亦是人心性頃來漸慕衣冠習文翁化蜀
豈無本李牧屯田務招輯所恨故人限萬里令我蚤
夜心於邑丈夫已際飛龍會野人猶抱枯魚泣感新

少高集卷六

八十一詩

舊懷心肺酸萬事回頭百憂集弘治之間時世異與
君次第陳封事許身謬比漢賈生推君每稱唐陸贄
朝回對坐香爐省出門並結青雲戀自從分手哭遺
弓縉紳漂泊余亦同抱甕梁王修竹園遺址宋帝蓬
萊宮生涯放逐似羈旅混迹迂腐隨村翁曾聞伏櫪
有老馬豈即道路傷秋蓬天下瘡痍况未息西南貢
篚防難通杜鵑向識君臣禮蛟龍終收雲雨功相如
諭蜀文章壯馬援平交德業雄扶危濟弱付公等臨
岐悵望天南鴻

送鮑激還歛

昔時賢達或未遇途路坎坷常固窮監車騏驥亦拋

棄人生豈得無西東君年五十猶未通江湖去住隨
飛鴻黃山紫陽日索寞題詩蚤向軒轅宮

送鮑相如金陵

去冬君行雪積阻相送城東念羈旅今冬相逢不逾
月再別令我情更苦金陵市頭酒如密此去酣歌與
誰侶我在梁園獨岑寂莫教碧草生春渚

君不見贈馬僉事應祥

君不見庭中樹今冬憔悴春作花君不見桑上草含
陽籍土抽紫葩富貴詎有種貧賤豈無涯君今身為
指南車何不留之殿京華北游漢水南長沙君雖在
漢水與長沙高不愁虎卑無蛇

空同集卷六

九詩

得馮御史允中書

鳳凰不識梧桐樹一落蓬蒿烏雀欺滄洲鴻鵠長毛
羽縱有雲羅柰爾為昨日柳陽馮侍御臨流寄我錦
雙魚黃河峻嶒雪十丈過臘逢春始得書開緘不見
下江舸梅花滿枝空淚予

秋夜徐編修宅宴別醉歌

徐郎三杯拂劔且莫舞聽我擊節歌今古曲長調悲
不易竟天地熒熒月東吐燕山八月風力怒落葉交
加映尊俎愴時感事百憂集死別生離同一苦身逢
累朝全盛日弘治之間我親覩朝廷無事尚恭默天
下書計歸臺府五陵鞍馬速雷電千官氣勢如風雨

却憶年年秋月時日與爾輩同襟期如灑之酒差快
意袒跣呼號百不思絃張柱促衣冠禍綜覈崩奔學
士疲倉皇世事難開口物極則還理宜有羸疾已分
沙田草遭逢復折都門柳富貴在天得有命人生反
覆如番手不見去年臨別處吞聲躑躅鶯求友邈迤
寒暄不自知隔絕禁華爲誰守歌殘酒乾天欲曙門
外驪駒已西首哀鳴胡鴈亦南飛露濕群星朝北斗
發京別錢邊二子

秋風浙浙吹燕山游子杖劒出燕關車脂馬飽夜將
發錢邊二子來相攀此時群星觀上帝驂鸞翳鳳雲
之際君不見牽牛與織女一水盈盈獨流涕

東園翁歌

空同集卷六

十一詩

東園翁今六十餘面常泥垢髮不梳身藏寶劒人不
識反閉衡門讀古書此翁十五二十時效唾落地迸
成珠陸機不敢以伯仲管輅警敏空嗟吁生鱗即與
蛟龍伍未汗寧同凡馬趨爾時射策黃金闕三百人
中最英發驂騑舉足狹萬里便欲登天攬日月豈知
德尊常軼軻獨買扁舟泛吳越三十年來萬事變富
貴於我真毫髮歸來灌園種瓊花荷鋤自理東門瓜
夜眠海月掛丹牖晝看江風滾白沙遼東合有逢萌
宅齊西再覩陶朱家北郡李生三十六擯斥高歌卧
空谷前輩後輩道豈殊同坐同行限江麓東望東園

亂心曲安得遂爾騎鴻鵠

苦熱東屠叅議

豫章之熱真毒淫六月已破仍不禁赤雲行空日在地萬里一望炎煙深東蒸扶桑幹欲槁黑河水乾龍不吟院松亭亭我所愛比遭摧炙無好陰縱令跣足欲何往此地寸冰如寸金層簷大廈尚喘喙矮屋茅堂淚滿襟滕王有閣高百尋閣下澄江清映心紫薇使者卧其上卷幔恰對西山岑赤脚門子搖大扇行坐吟哦揮素琴幾欲往訪簿書積豈我無酒同誰斟亭午蘊隆潭水沸蛟蜃下徙龍鼉沉何況走原獸棲枝禽嗚呼豫章之熱其苦有如此而我胡為營營與

世爭華簪

空同集卷八

十一詩

白鹿洞別諸生

東南自有匡廬山遂與天地增藩衛山根插入彭蠡湖崢嶸背殺三江勢地因人勝古有語於千萬物隨興廢學館林宮客不棲千巖萬壑堪流涕文采昔賢今尚存講堂寂寞對松門松門桂華秋月圓拄杖高尋萬古源梅嶺古色照石鏡扶桑丹霞迎我軒絕頂坐歌霜月爭石潭洗足芝草繁更有冠者五六人峭崿窮嶂同攀攀草草行有時聞過虎旦暮時復啼清猿我今胡為公務牽蟋蟀在戶難又延出山車馬走相送落日遂上鄱陽船生徒繼集涯潯孤帆月照仍

留連情深過厚亦其禮謏薄竊愧勞諸賢明朝伐鼓
凌浩蕩五峰雙劔生秋煙

豫章遇鍾子送贈

豫章八月江勢輕水關行馬沙背平聞君纜舟挽君
任向夕惡風銀浪生頃時收帆萬船集波顛石倒蛟
龍立中流臞子獨何意敬交猶搖雙槳入天清未風
君已迴帆色迢迢萬里來拂衣漢口鳥鴈亂擊榜南
浦芙蓉開漢口逢君又南浦人生聚散風中雨黃石
公赤松子在何所君今抽簪我簪組

董公衙賞緋桃行

吁嗟董公垂老官不遷途雖坎圻志不變三歲提兵

空同集卷十八

十一詩

兩列銜此事堪傷亦堪羨二月南風捲章水黃昏西
省開芳宴刑司軍司皆集衙益中緋桃俄放花董公
捋鬢向客誇客起環視咸咨嗟情酣展轉移燈照酒
氣撲花花欲笑逢人合與世酩酊衰顏苦被春勾調
君不見玄都觀裏樹不與武陵源上殊時來開落各
異地董公董公今宵與客且倒花前壺

得家書寄兄歌

三年路遙消息阻緘書實凍兄心苦鴻鴈無愁奮翅
難鵲鴿且暫遊寒渚時望東湖西日微雪冬廬嶽北
思歸獨虞四海干戈滿生別悲傷見面稀

寄鄭生歌

南康烈風無時休將歸船滯增煩憂空城雪埋狐兔
走十日凍合鼉河洲廬山咫尺不得往汝在梁園獨
予想開絨嘆恨東遊阻琅玕天姥春空長

余鄒二子遊曰鹿書院歌

洞原路氷山徑微二子日遊過夜歸巖宮古刻徧覽
讀馬時踏跌泥在衣頃來烈風號季冬雪霾不見五
老峰苦心數子守寂寞我病講堂虛鼓鐘二子此行
真特竒異時獨往今可知虎吟狐啼且不懼肯使楊
朱泣路岐

戲贈周紀善

廣文先生何爲者十欲出門九借馬只今徒步襄水
濱衰鬢漠漠常風塵鳳凰在笄鷄啄食苜蓿闌干半
青黑君不見楚筵醴罷暮歸來甑塵妻子無顏色

龍沙行別袁生

君不見玉虛觀前松去年凍乾今復生樹靈力排雷
雨會榦大每與蛟龍爭下有萬古不定之龍沙風滾
無時休英雄奮發各有時運至賈販皆公侯藹草尚
爲螢何況堂堂七尺軀萬物之靈高牙大纛苟不我
石泉白雲誰復爭舉眼江漢鴻冥冥與爾倒此沙頭
瓶

尋陽寄毛君湖口

大江六月涼風發匡廬清波滾明月削出萬朵青芙

蒼水底搖動金銀闕美人盈盈坐湖縣昏叩石鐘曙
晞髮悵望迢迢碧雲合早晚扁舟向蠻越

鄭生山游歸予作此歌

跋予望之六六峰欲往爭柰今嚴冬石林崎嶇積雪
盛日中無煙虎豺病生也孤往胡所希凍攀幽嶮探
其微手皴面黑逾旬歸太室少室何者竒曾否首陽
歌采薇北邙逶迤清洛遠天白水崇伊闕晚灞上驕
驢爾靡辱袁安高卧吾應覩忽然想生經行宋家陵
往來寂寞東西京翹首淚下嵩山青

丈人行

丈人九十牙齒存行曳竹杖挈玄孫只知灌園回漢
陰何須采藥游鹿門山房春歸碧草萋蕙帳月白露
滿蹊少微星沈湖水湧松林夜夜猿嘯啼

鶴癯子歌

鶴癯子汝人也而何爲乎鶴形美髯修修雙瞳青閉
肆夜讀黃庭經晨出荷鑿掘茯苓鶴癯子汝豈無萬
里骨刀劒翮路遙朋寡日云暮弱水蓬瀛壯心隔君
不見江中老龍亦高卧鶴乎鶴乎誰汝那

寄殷給事中歌

斑鳩賦形百鳥內化爲蒼鷹百鳥避秋空萬里試一
擊灑毛紛紛稱鷹意迴旋簸蕩風沙開海寧光清鸞
鳳來天地炯炯元精回此以贈君君母猜金陵雖隔

黃金臺汝翊紫蓋臨三台飛章御覽不十日道路聞
靜豺狼哀憶昔匹馬長安走殷何徐陸皆吾友楚姬
娉婷華色並殷生稜眉獨方口何郎短小亦不醜
離今各經年久夢寐猶存上苑花飄零寂寞西湖柳
丈夫致身貴不朽陟要階華亦何有賈誼才名信早
知姚崇相位非難取大江滾滾東北趨群龍霜鬣鬣
叫呼汝登鳳臺念老夫爲我致一鳳之雛我不敢玩
亦不敢狎誠心餒飼毛羽全使聽簫韶翔舜都

送田生赴京歌

正月八日天驟黃大風晝晦沙飛揚河水慄烈人不
行駕鵝鵝鴈交跟踰黃鵠呼曹厲毛翼一舉橫天向

空同集卷十八

五十一詩

天北君不見左生北上田生俱長安走馬花九衢

送陳冠歌

虎子墮地氣已龕驕驕汗血自爲駒陳生垂髫骨即
殊雙瞳炯炯唾成珠前年汝與計吏俱承明謁帝未
生鬚丈夫志欲日月並雲雨且使蛟龍湏冬風獵獵
吹楚湖憐汝送母催楚艦調羹臘盡江門水戲彩春
停汴上都憶昔乘驄按南國汝在諸生獨英特三秋
自阻北飛鴈萬里今逢舊顏色私計彭宣晚必親敢
言裴儉前能識寒溫始知君子厚杖屨番增世人惑
執子柳煙風日和力疾送子臨黃河汝親日望泥金
使老夫擬作瓊林歌

芝样行

崑崙子之來也李子觴焉及夜瓶芝自墮以爲
样行觴焉平可繁二觴行之穩持之輕客大駭
笑歡盡醉而李子賦詩

霜嚴夜清月在南燈明酒温客氣酣銅瓶玉芝鏗墮
地客將傳玩誇神異仰芝把蒂行金杯蒼文古紫當
筵開已驚激澗菡萏動更詫屈錯蛟龍迴憶芝初出
盤精氣雲流石立颺颺避赤箭琅玕色盡枯神訶鬼
守求非易泄秘真遭天地怒懷珍顧使時人忌自從
獲芝升我堂琴書几席俱輝光晴日徐看瑞氣合炎
天每挹仙雲涼燕山豪士來何方悲歌起舞宵未央
芝乎自銜亦太異頓令四座深杯觴觴行逶迤月轉
白月色芝光巧相射醜醜觸擊瑪瑙碎淋漓迸落真
珠赤君不見王屈卮金叵羅珠花繡草枉自艷停杯
聽我芝样歌

空同先生集卷第十八

芝样行

芝样行

芝样行

芝样行

空同先生集卷第十九

北郡李夢陽撰

詩

七言歌行四十首

贈答二十四首

朝飲馬送陳子出塞

胡馬來再贈陳子

張將軍塞獵歌

送仝儀賓朝天歌

送田氏

贈鄭郎

太華山人歌

相逢行贈劉按察麟

王郎行

郭生行

結交行贈李沔陽

薏苡行贈王氏

徒步東行贈鮑漱

空同集卷十九

一詩

夏日田居蘇生攜酒見過

送人使安南

有鶴篇贈翟翁

賦得姑蘇臺送李推官士允

送王子歸鄴杜

贈鄭生

石峯子歌

寄寄庵子

龍仙引贈駱貞外

送李中丞赴鎮

雨燕醉歌

悲悼十首

結腸篇三首

哀才公

哭新縣

觀燈行

石將軍戰場歌

玄明宮行

康郎山歌

乾陵歌

雜體六首

劉子有金陵之差遂便觀省

送仲副使赴陝西

徐子將適湖湘余實戀戀難別走筆長句述

一代人文之盛兼寓祝望焉耳

龍州歌送沈編修使安南

漢江歌送范子之桂陽

聊城歌送顧明府

贈答二十四首

朝飲馬送陳子出塞

李商隱集卷十九

二詩

朝飲馬夕飲馬水鹹草枯馬不食行人痛哭長城下
城邊白骨借問誰云是今年築城者但道辭家別六
親寧知九死無還身不惜身爲城下土所限功成賞
別人去年賊掠開城縣黑山血迸罽于箭萬里黃塵
哭震天城門晝閉無人戰今年下令脩築邊丁夫半
死長城前城南城北秋草白愁雲日暮鳴胡鞭

胡馬來再贈陳子

冬十二月胡馬來白草颭颭黃雲開沿邊十城九城

閉賀蘭之山安在哉傳聞清水不復守遊兵早扼黃

河口即看烽火入甘泉已詔將軍屯細柳去年穿韃

長城裏萬人齊出千人死陸海無毛殺氣蒸五月零

冰凍河水當時掘此云備胡人履之猶坦途聞道
南侵更西下韋州固原今有無從來貴德不貴險英
雄豈可輕爲謨尚書號令速雷電抱玉誰敢前號呼
遂令宵旰議西討茲咎只合歸吾徒我師如貔將如
虎九重按劔赫斯怒惜哉尚書謝歸早不覩將軍報
平虜

張將軍塞獵歌

將軍堂堂七尺軀虎頭昂藏紫虬鬚據鞍笑撚金僕
姑弦鳴仰墮雙飛鳥南平川漢北殲胡蛇矛卧地刀
劔蕪朔風吹霜塞草落馬騰士奮干狩作將軍夜令
晨步同磧沙黃黃日色薄部下游擊五千人競時爭

全唐集卷十九

三十一詩

能各有神驅飛翼走入我網千隊萬隊何駘駘氣酣
前赴逞一決零亂旌旗條明滅殺氣上回靈武雲火
烈直透天山雪張公觀此番逡巡紅衣白馬如神人
衣也蟠蟒金麒麟朝廷所賜榮功臣攔頭報捷者誰
子手提禽獸血滿身生截羆豹纍雉鷄中軍小校額
抹巾見之一騎風起塵左射奔鹿右斃豕更追狡兔
趨窮榛張曰於乎奚用是昊天肅殺存至仁縱金按
節止中野燁臍魚鮮燕蒐者禮樂行軍分自嚴賞罰
正簿誰能假何地真收吐谷駝一卒乃獲大宛馬長
城窟水胡鴈稀輕鞞緩吹諸部歸懸戟慘淡鴉鳥委
垂鞍穢礪熊兕肥少年猶忿殺獲微翻身殼弩追雲

飛我聞蒐狩古侯禮三驅六御今何以纘武雖存于
駱文戒荒合避長楊後將軍抹馬厲部士爲防西北
烽烟起

送全儀賓朝天歌

風吹黃塵暗河甸行子拍馬來相見春寒晝陰沙冥
冥九衢散亂花如霰自言手捧紫瑤函馳軺謁帝黃
金殿甥壻當朝禮覲同往來遣答猶親面南陽貴人
骨固殊敦親倍錫明先宴八議輕微實惋惻時情詎
識皇心眷開函爛熳百色備龍盤鳳曲流雲氣綉女
容嗟鋪緒工體裁昭合三宮意吳羅疊雪祗懷赧南
金象齒堪沉避自離京國十年餘每懸金闕憶金魚
班行日侍諸王聘混一會瞻萬國書君過上林聊駐
車春風舊樹花應舒有暇更欲問西湖掃地垂楊今
有無

送田氏

寒城野霜鴻嗷嗷羊腸木零熊豹號彼汾沮如望心
勞葭莢委折風波濤山西刑司氣何豪西邁白日行
旌旄七星丸丸明佩刀君不見黃河飛雲立如蓋一
鸚乘之向并代

贈鄭郎

郎來張拱向我揖玉樹亭亭我旁立叩之論語背誦
畢曲禮幼儀汝能冒黃河柳綿飛欲盡練水桐花放

將及汝父昨來今汝歸有琴在抱書在笈君不見師
山後人代非之勉旃無效群兒狎

太華山人歌

山人昔居太華峯結屋玉井餐芙蓉夜隨金精朝白
帝誤搗天鼓撞鴻鐘帝怒謫之荒江濱淚添江漢齊
朝宗閭闔九重豹虎蔽霜雪十年鴻鴈冬江邊諸山
不可眼夢寐猶跨雙茅龍有時夢到西嶺坐環海內
物盡么麼一線黃天涇渭流拳石白晝岷峨破翳鳳
驂鸞覲玉京羽節雲軒度婀娜織女虛無指前路沐
髮有盆不借我山鬼含笑倚巖立仰看明星斗如大
猿啼蛇吟萬壑靜山人歸來淚交墮

空同集卷九

五詩

相逢行贈劉按察麟

一別六年不相見風塵歛靚劉郎面西關官亭車馬
都使君驄馬朱雀符有虔秉鉞映交衢把臂道故情
鬱紆仰視高天白日徂憶昔同殿含香趨萬事反覆
難具鋪秋風颼颼響枯樹蛟龍立鬪黃河怒舟子無
憂旬浹阻大夫且試登高賦城南柳徑梁王苑廟門
書院松林晚此時與子臨高臺邊侯綺席金尊開芳
碣微雲氣出沒但見悲風萬里從東來寒空孤鴈叫
且哀鴛鴦鼓翅號其儕飛沙激霧相徘徊願賓與主
酌酌歸不見昔時杜甫與高李三子者氣壓百代今
塵埃

王郎行

王郎行者贈王氏二郎者也王郎將試於有司
予於是賦王郎行贈焉夫子賤君子稱之魯碩
人族類彰諸詩蓬麻自直事有本因予故後其
家世并及其父子兄弟之間

將軍開國弓劔傳子孫章甫能朝天相國沉冥二十
年懷寶弗售人所憐飛纓躍馬赫動地公也視之如
浮烟雅歌日醉金尊前生有三男子不令學劔令青
編大郎早躡黃金榜聲名佐郡青雲上二郎穠鬱更
英特掇青拾紫猶翻掌三郎年十餘頭顱角漸如拱
立向人前解背經與書二郎昨別我云將還故鄉馬

公同集卷十九

六一詩

蹄馳逐秋槐黃龍泉出匣光自射驊騮歷塊疇能當
連翩騎從喧皇州春風紫陌行鳴騶生兒當如孫仲
謀于嗟相國胡所憂濁醪惟恨不滿甌聽我王郎行
我行還自歌何以贈之珊瑚柯又何贈之玉山禾願
郎歸白玉珂

郭生行

君不見大梁郭生少小能英奇生長富貴心寒飢兀
坐日誦書與詩下究王伯上軒羲郭生有父王國賓
有母食邑稱之君鯉庭獨立猶詩禮能膽親丸或夜
分生有兩男子大者覽輝起次者郭生鼓翅亦上青
霄裏憶昔匹馬走燕旬長安三月花如霰射策曾登

金馬門垂衣 帝在蓬萊殿三十年間萬事變後生
袞袞蜚英彥結綬初誼東閣賓彈冠復報南州薦太
平旣極邊功開武帝射蛟江未迴上林會有誇胡獵
願生早試長楊才

結交行贈李沔陽

古人結交如種稷今人當路栽荆棘世間萬事各有
極人生何必相傾反君不見李沔陽五馬昨朝天
水地裂衝寒煙三月不遇見天子歸途困頓心憂煎
南行波濤值洶湧蛟龍失勢竈鼃踊留滯聊栖梁孝
臺醉歌直據侯嬴塚却憶當年侯未鬚識者盡道驩
騮駒落筆遽掩羽獵作挺身遂上青雲衢百戰不侯
李庸辱一麾出守延之吁峽霾光射下和玉月明淚
逆鮫人珠李沔陽汝無學雲夢吞亦莫效江南哀六
龍挽車日月輪萬里簸蕩風沙開棄君舟楫理銜纒
有人物色騰驤材

蕙坂行贈王氏

南征馬援還東都人言滿載皆明珠發封視之乃蕙
苾群臣失色天子吁世情毀譽本好惡後生輕信迷
真誤暗投固宜明月棄同居豈免娥眉妬自君夙夜
不在公尊中醴酒常不空德尊日見兒孫盛名成反
致讒邪攻雖云喬樹多烈風曷有寸霧殘高空君不
見周時吉甫稱大賢孔門弟子推顏淵撥路拾塵尚

見惑豈我千得無一愆君堂有客俸有錢槐庭偃蹇
花含烟胡不酩酊金罍前萬事置之休問天

徒步東行贈鮑激

鮑生六月徒步東久暎赤日昏沙風旦行眼眩扶桑
紅足疲暮憇空桑中帽浥衣沾乾復濕必逢佳樹始
一立道傍有驢無錢騎短詠微吟口翕戢杜甫遺詩
人罕全鮑生記之將及千論工尚恨黃初淺泥古常
卑大曆前豈知才大番爲崇臨岐獨下楊朱淚鹽車
雖蒙苴滓辱長鳴未折風雲氣生今坎壈三十年回
時細估豪熏天出門寶馬雙翩翩道逢鮑生不舉鞭
生不見五穀大夫歌屢屨商歌飯牛聲夜悲賢達困

窮何代無仰視萬里浮雲徂

李商隱集卷十九

八一詩

夏日田居蘇生携酒見過

疾風六月樹^具折折火雲纍纍白絮裂城南老夫正高
卧荒郊欸段蘇生過塵埃滿面髮亂手携清壺來
餉我季子才名三十年射楊百發百葉破逢時幸首
南宮薦塌翮尚忍西山餓丈夫生世古難同蘇也巷
西我巷東追尋不計襜褕熱淹留祗恨金尊空君不
見昨朝雨雷今則風世事反覆誰豫通得時無誇好
身手失意豈必皆愚蒙野池紛披蓮半紅黃鸝噤語
空林中勸子盡醉休匆匆人生幾何吾已翁

送人使安南

安南陪臣騎馳突歌吹春喧洱水窟蛟潭飛雨動霹
靂島城毒雲開日月黃門使者白澤袍南來氣與秋
天高當今天子古聖人諭爾歲事勤包茅永令炎海
無波濤

有鶴篇贈翟翁

有鶴褊褊海上來乘風爰止梁王臺洪河怒濤野蕭
瑟含情顧影却飛迴十洲來往群仙戲舉身上下隨
雲氣君不見夜來東海頭南極一星光照地

賦得姑蘇臺送李推官士允

少年何官騎白馬秋日經過古臺下回瞻遠慮意撼
促下馬行歌淚盈把猗嗟築此誰爲臺千年棄土猶

空同集卷九

九一詩

崔嵬礧廊娃館瓦礧積美人白骨生青苔枯蒿虫吟
莽颺颺飛雲叫鴈雙徘徊當時金屋玉起樓豈謂臺
成糜鹿游寶鈿黃金裹瑟瑟雨時濯出樵人收李生
豪士扶風儔悲歌久抱流連憂世家各讀日一過獨
廢吳越傷春秋復思鴟夷氣益奮怒目每送長濤流
抉眼東門事已往茲臺再過君休上日暝煙波湖水
深范歸恐有同行槩

送王子歸鄆杜

賢兄已上蒼龍閣今弟猶甘飽藜藿膝下雖無一寸
綬腰間常吼千金鏐騎驢狂走長安市酣歌擊缶白
日落黃金不成徒自嘆烏裘脫盡那堪著道逢石室

舉鞭揖謂爾骨相殊不惡終南郭杜豪俠窟從來意
氣無京洛歸家早鑄雙玉龍提携來獻明光宮

贈鄭生

狐裘驅馬誰家子往來馳驟塵沙起右撚羽箭左把
弓仰射忽墮雙飛鴻野寒日昏慘慘風下馬揖我立
我東一箭直西貫楊樹抽身上馬入城去

石峯子歌

石峯子昔住石峯山茅堂巖壑豁研間松孤桂叢白
日靜坐玩碗礪聆潺湲石峯子騷轡觀帝今幾秋狄
猿哀嘯鴻鵠愁填爲四岳振南州珠崖瓊海毒厲收
丹穴有鳳鳴啾啾願子早致儀西周經過舊山莫掩
留君不見舊山頭葛藟蔽翳寒泉流

全唐詩集卷十九

十一

寄寄庵子

寄庵子嘗曰人生寄爾然利孰與義安愆孰與
美久臭孰與芳永庫部駱子以其言告李子李
子曰卓哉張子持此於天下誘之能移撼之能
動乎能招之來麾之去乎於乎張子者足以荷
天下之重矣於是作寄寄庵子詩

嚶其鳴矣彼何求天下願識韓荆州心傾義投神便
往萬古不廢江河流張侯崛起西南裔覽輝振翮風
雲際鉤陳陟蒼涼閭闔閉排闥直謁蓬萊帝豸冠我
不動紳挺身遂作蘭臺質竊憤辛裾謂澳忍括言與朱

檻爭嶙峋已看騁褻狹道路復訝鷓鴣早風塵霜飛
維揚海月苦陽行沮洳汾花春還朝袞衣換日月立
仗正色措星辰行步既工馬從瘦諫草每就雞將晨
餘力猶馳翰墨圃先秦兩漢文心苦壯志直趨劔閣
銘張孟陽幽懷緬擬歸田賦張平拖朱響玉豈不足覩
面徒餐竟何補及時願作朝陽鳳不然退與漁樵伍
予也綸竿孟諸客心本無他衆莫白李白世人欲殺
之蘇軾能詩遭貶斥雷劔雖埋光在天下玉未剖終
爲石垂老重逢四海清虛名幸免諸公擲思君欲追
嵇呂駕贈言輒踐回由迹顏淵季路有田負郭不餓死且
自射獵芒碭澤

龍仙引贈駱貞外

空齋集卷十九

十一詩

壯士狹四海萬古一大夢俗夫醯雞耳生死不出雍
滅没等蒿草勞勞竟焉用君求勾漏學稚川往來棲
息羅浮烟自從異人授丹訣行地乃作飛龍仙左携
浮丘右洪厓樗里景純執我鞭崑崙崙嶺嶮倚天外黃
河九曲如衣帶南支江湖楚蜀匯北支嶮塞華夷界
少時振衣登賀蘭開眼已無西北山中年謁帝聽廣
樂曳裾赤手搥天關朝攬金臺雲夕披玉峯霧翔鸞
鏘鏘導前路左蹲文豹右伏虎於幢旖旎雜翠葆龍
兮龍兮汝雖變化叵測慎無使頭角露祿麟威鳳世
見希泄秘盡巧鬼神怒深山大澤多戢麟龍也穆勿

幸自珍緱城玉笙兩鶴舞太室珠樹二花春從茲謝
人放浪去笑誇白鹿乘鸞輪

送李中丞赴鎮

黃雲橫天海氣惡前飛鷺鶴後叫鶴陰風夜撼鑿巫
閭曉來雪片如花落中丞按轡東視師躬歷嶮隘揮
能籟已嚴號令偃鼓角更掃日月開旌旗椎牛李牧
將士躍射虎李廣匈奴知屯田金城古不謬賣劔渤
海今其時塞門蕭蕭風馬鳴長城雪殘春草生低飛
鴻鴈胡沙靜遠遁鯨鯢瀚海清不觀小范擒戎日誰
言曾中十萬兵

雨燕醉歌

空齋集卷十九

十一詩

迅雷擊城鴉欲翻黑雲壓天白日晝昏展席叙對城南
門長安大雨如傾盆我馬已惜錦障泥主人况且黃
金尊睥睨將將下萬瀑龍蛇繡繡動高壁出門牛馬
不復辨炎霧毒蒸靜如拭酒酣爲君如意舞夕雨轉
急風轉怒祗恐谿壑受不得海倒江翻亦難測

悲悼十首

結腸篇二首

李子曰結腸之事蓋予妻亡而有此異云奠妻

以牲烹腸焉腸自縶結李予異焉曰胡爲烹胡

爲結恍惚神恠孰主孰使厥理孰測怨邪德邪

生有所難明死託以暴衷邪嗚呼嗚呼作結腸

篇焚妻柩前妻固識文大義或亦契其冥懷也
哀者且停聲弔客坐在堂聽我結腸篇曲短哀情長
五月廿七吾妻亡厥明奠之羅酒漿其牲伊何積與
羊痛哉釜鬻結積腸神靈恍惚心駭傷團圞肉毬出
中湯左迴右盤準流黃經緯纏糾文陰陽底形井字
圈兩旁翼翼彷彿雙鳳凰有綏在下纍而長上有提
襟五寸強汝乎無意豈為此呼汝欲問魂茫茫十呼
不應百轉咽腸乎腸乎爲疇結

二

結腸結腸忍更聞妾年十六初侍君父也早逝母獨
存爲君生子今有孫昔走楚越邁燕秦萬里君寧恤
婦人外好不補中苦辛中年得歸計未及命也百病
攢妾身言畢意違時及唇妾匪無迂君多嗔中腸詰
曲難爲辭生既難明死詎知千結萬結爲君爾君不
妾知腸在此

三

結腸三闕聲更咽汝腸難解我腸結夙昔失意共奔
走汝實千辛我踰跌宕歸家定今稍寧豈汝沉緜遽
離絕魂乎魂乎游何方兒號女哭週汝旁劇心飲泣
看彼蒼愚者何壽慧何亡佇立逶迤若有望迫而即
之獨空床梁間二燕哺子急觸落青虫汚我裳錦衾
塵埃委鴛鴦總帷中夜風琅琅魂驚夢搖中慘傷陰

雨啾啾燈無光嗚呼此曲不可竟爲君賡歌妾薄命

哀才公

正德己巳年作此公嘗薦余故有國士之感

仲冬東南天鼓鳴我軍滅胡功可成道之將行歲在
巳星落轅門悲孔明尚書頭顱血洗箭馬革纏屍亦
堪羨夷門野夫國士流痛哭天遙夜雷電吳月雷
電屢作

哭新縣

是時新設萬年縣新民及覆殺副使李情靈寶
人也

苦死可憐靈寶子有官十數同時死四路蕭蕭人斷
行一軍盡驚床夜徙新民反覆誰不知性實虎豹侔

螻蟻白金綵段縱寬汝朝廷有問將何以

觀燈行

群見夢
華錄

宋家累葉全盛帝寬大實皆稱令主百姓牛馬徧阡
陌太倉米粟憂紅腐宣和以來遂多事嗚呼爛費如
沙土海石江花湧國門離宮別殿誰能數群臣諛佞
祇自計天下騷然始怨苦正月十四十五間有勅大
駕觀鰲山萬金爲一燈萬燈爲一山用盡工匠力不
破君王顏此時上御宣德門樂動簾開見至尊奔星
忽經於御榻明月初上堆金盆傾城呼噪聲動地可
憐今夜鰲山戲竊真幻巧百恠聚金蛾翠管堪垂淚
借問幸臣誰云是李師師外有蔡京與蔡攸夾樓錦

幄羅公侯丞相之幄當前頭奚兒腰帶控紫駟如花
少女擎綵毬但聞樓上喚樓下黃帕籠盤賜玉羞月
高鳴鞭至尊起幄中環珮如流水爭道齊驅輦路窄
寺橋窈窕塵埃白火樹龍燈又一時千光萬焰天爲
赤常言宴安成禍基從來樂極還生悲君看二帝蒙
塵日數月東京荒蒺藜

石將軍戰場歌

清風店南逢父老告我已巳年間事店北猶存古戰
場遺鏃尚帶勤王宇憶昔蒙塵實慘怛反覆勢如風
雨至紫荆關頭晝吹角殺氣軍聲滿幽朔胡兒飲馬
彰義門烽火夜照燕山雲內有手尚書外有石將軍

金同集卷十九

十五 詩

石家官軍若雷電天清野曠來酣戰朝廷既失紫荆
關吾民豈保清風店牽爺負子無處逃哭聲震天風
怒號兒女床頭伏鼓角野人屋上看旌旄將軍此時
挺戈出殺胡不異草與蒿追北歸來血洗刀白日不
動蒼天高萬里烟塵一劒掃父子英雄古來少天生
李晟爲社稷周之方叔今元老單于痛哭倒馬關羯
奴半死飛狐道處處懽聲噪鼓旗家家牛酒犒王師
休誇漢室嫖姚將豈說唐朝郭子儀沉吟此事六十
春此地經過淚滿巾黃雲落日古骨白沙礫慘淡愁
行人行人來折戰場柳下馬坐望居庸口却憶千官
迎駕初千乘萬騎下皇都乾坤得見中興主日月重

開再造圖臬雄不數雲臺士楊石齊名天下無嗚呼
楊石今已無安得再生此輩西備胡

玄明宮行

今冬有人自京至向我道說玄明宮木土侈麗誰辦
此乃今遺臭京城東割奪面勢創截業出入日月開
併蒙矯托敢與天子競立觀忍將雙闕同前砧石柱
雙蟠龍飛梁透迤三彩虹寶構合沓殿其後儼如山
嶽翔天中金銀爲堂玉布地千門萬戶森相通光景
閃爍倏忽異雲烟鬼恠苑杳濛以東金榜祠更侈樹
之松檟雙梧桐溟池島嶼鯁鯉躍孔雀翡翠兼罷熊
那知勢極有消歇前日虎豹今沙虫牕扉自開衛不

空齋集卷十九

六十一詩

守人時遊玩搖玲瓏陞隅龍獸折其角近有盜換香
爐銅青苔生泥鏡面鎖野鴿哺子雕花櫳憶昔此闈
握乾柄帝推赤心闈罔忠威刑霹靂縉紳毒自尊奴
僕侯與公變更累朝意叵測培克四海真困窮長安
奪第塞巷陌心復豔此闈何蒙構結擬絕天下巧搜
剔遂盡輸倖工神厥擇木內苑竭官阮選石西山空
夷墳伐屋白日黑揮汗如雨斤成風轉身唾罵闈得
知退朝督勞何匆匆人心嗟怨入骨髓鬼也孰復安
高崇峩碑照耀頌何事或有送男充道童聞言愴惻
黯無答私痛聖祖開疆功渠干威福開者誰法典雖
嚴柰怙終錦衣玉食已叨竊琳宮寶宇將安雄何宮

不鐫護勅碑來者但看玄明宮

康郎山歌

君不見康郎山屹立東湖中波濤撼蝕山脚塌破廟
枯木常烈風芒碭草昧赤帝出揮劍遂使凡蛇空卧
榻之外事亦小萬方有罪惟朕躬美姬寶玉歸御幄
浮屍蔽江江水紅發踪劉陶固其力死戰難言非數
公秦人枉哭嶠函瘞漢祖輕酬垓下功至今有廟此
山側天陰雨濕時見朱旗白馬光如虹

乾陵歌

武后陵黃巢伐之
事具雪航虜兒

九重之城雙闕峙前有無字碑突兀雲霄裏相傳翁
仲化作精黃昏下山人不行蹂人田禾食牛豕強弩
射之妖亦死至今剥落臨道傍大者虎馬小者羊問
此誰者陵石立山崔嵬銅鐵錮重泉銀海中縈迴巢
也信力何由開君不見金棺玉匣出人世薔薇冷面
飛塵埃百年枯骨且不保婦人立身何草草

雜體六首

劉子有金陵之差遂便覲省

使君昔居紫荆關日登燕嶠望吳山逢人顏色鬱黯
黯對酒涕泗交潺湲使君南向金陵去孤帆夜拂春
天樹旅枕常歌月落時夢魂先到雲飛處楊子江頭
青草斜大孤山前開杏花行人三月重回首滄子一
年初到家出門烟草滿芳甸鳳凰臺接麒麟殿遊陌

聯翩追宿娛墨場婉戀羅賓讌
生意氣無南北白馬青袍動
江色即看熾舸石頭城還聞
稅鞅鐘山側鐘山萃律壓秦
淮燕趙風雲入望來芙蓉秋
鴈多愁思問君何日錦帆迴

送仲副使赴陝西

驄馬白玉鞍長鳴下雲端
今朝發汴水何日到長安
孝王臺前雪如山垂楊掃地
春風還使君不帶冰霜色
却帶春風入漢關相思明月
樓西望古秦州河南咫尺不
可見何況千山萬水頭西望
秦州是我鄉隴樹秦雲空斷
腸褰帷杖鉞經行地欲寄雙
魚到慶陽徐子將適湖湘余
實戀難別走筆長句述

空同集卷十九

六一

一代文人之盛兼寓祝望焉耳

崢嶸百年會浩蕩觀人文建安
與黃初叱咤皆風雲大曆熙
寧各有人憂金敲玉何繽紛
高皇揮戈造日月草昧之際
崇儒紳英雄杖策集軍門金
華數子真絕倫宣德文體多
渾淪偉哉東里廊廟珍我師
崛起揚與李力挽一髮回千
鈞天球銀甕世希絕鰲壘鯨
翻難具陳洪川無梁不可越
日暮悵望勞余神徐郎生長
蘇臺陰二十作賦雄海濱竭
來抱玉叩閭闔長安繡陌行
麒麟是時少年誰最文太常
邊丞何舍人舍人飄颻使南
極直窮金馬探瀘津爾雖不
即見顏色夢中彷彿形貌真
余也潦倒簿書客諸公磊落

清妙身大賢衣鉢豈虛擲應須爾輩揚其塵休令黼
黻怨岑寂要與琬琰增嶙峋海陵先生雅愛士晚得
徐郎道氣伸喬王欵接雖不數邇聞亦欲來卜隣驛
驢造父兩相值一瞬萬里誰能馴都門二月芳草發
御溝楊柳垂條新徐郎縮牒將遠適使我旦夕生悲
辛爲君沽酒上高樓月前醉舞梨花春天明掛帆向
何處鴻鴈哀鳴求故羣南登疊嶂探禹穴西浮湘水
吊靈均洞庭波寒木葉下峽口風急猿嘯聞司馬太
史有遺躅歸來著書追獲麟

龍州歌送沈編修使安南

龍州南接六那溪白鷗黑猿相間啼烏蠻灘頭苦竹

音集卷十九

九一詩

密伏波廟前春日西揚旌走馬迎天使擁節封王壯
漢儀試向殊邦觀禮樂交南元是舊邊徼

漢江歌送范子之桂陽

漢江江上鷓鴣鳴漢江游客無限情青山落日下帆
影芳草月明聞櫂聲黃鶴磯頭暮雲盡鸚鵡洲邊春
水生莫倚仲宣能作賦洞庭南接桂陽城

聊城歌送顧明府

聊城纍纍枕桑野使君懷古聊城下龍蛇慘慘七雄
鬪當時誰是排紛者海東隱淪難見面平原不見安
平見已聞笑却邯鄲軍還遣書飛燕將箭平生急難
經列侯功成豈必千金酬只今往迹浮雲盡遙矚滄

溟日暮流

空同先生集卷第十九

空同集卷十九

二

詩

